

四庫全書

史部

欽定四庫全書

國語卷二

吳韋昭注

周語中

襄王十三年

襄王十三年魯僖之二十四年也下事見二十四年

鄭人伐滑

滑姬姓小

國也先是鄭伐滑滑人聽命鄭師還又即衛故鄭公子士泄堵俞彌帥師伐滑

王使游孫伯請

滑

游孫伯周大夫鄭人執之不與厲公爵又怨襄王之與衛滑

故不聽王命而執王使

王怒將以翟伐鄭

翟隗姓之國也

富辰諫曰不可

富辰周大夫也

古人有言曰兄弟讒鬪侮人百里

鬪很也兄弟雖以讒言相

違很猶禁禦它人侵侮己者百里諭遠也

周文公之詩曰兄弟鬪于牆外禦

其侮

文公之詩者周公旦之所作常棣之篇是也所以閔管蔡而親兄弟比二句其四章也禦禁也言雖

相與很於牆室之內猶能外禦異族侮害己者其後周室既衰厲王無道骨肉恩闕親親禮廢宴兄弟之樂絕故召穆公思周德之不類而合其宗族於成周復循常棣之歌以親之鄭唐二君以為常棣穆公所作失之矣唯賈君得之穆公召康公之後 若是則鬪乃內侮而雖

鬪不敗親也

雖內相很外禦它人故不敗親

鄭在天子兄弟也

言與襄王有兄

弟之親

鄭武莊有大勳力于平桓

武鄭桓公之子武公滑突也莊武公之子莊公

寤生也王功曰勲平幽王之子平王宜曰也桓平王之
孫太子泄父之子桓王林也幽王既滅鄭武公以卿士
夾輔平王東遷洛邑桓王即位鄭莊公為之卿士以王
命討不庭伐宋入郕在魯隱十年唐尚書云王奪鄭伯
政鄭伯不朝王伐鄭鄭祝聃射王中肩豈得為功桓當
為惠傳曰鄭有平惠之勲昭謂鄭世有功而桓王不賞
又奪其政聃雖射王非莊公意又詩敘云桓王失信諸
侯背叛明桓王之非也下富辰又曰平桓莊惠皆受鄭
勞明各異人 凡我周之東遷晉鄭是依

東遷謂平王也
晉語曰鄭先君

武公與晉文侯戮力一心
股肱周室夾輔平王是也

子積之亂又鄭之由定

子積周莊

王之子惠王叔父也篡王而立惠王出
居鄭厲公殺子積而納之事在周語上

今以小忿棄之

是以小怨置大德也無乃不可乎

置猶廢也詩云忘
我大德思我小怨

且

夫兄弟之怨不徵於它

徵召也它謂翟人

徵於它利乃外矣

外利

在翟章怨外利不義

章明也

棄親即翟不祥

祥善也棄親出翟師以伐鄭

以怨報德不仁

言鄭有德於王王怨而伐之是為不仁

夫義所以生利也

祥所以事神也仁所以保民也

保養也

不義則利不阜

阜厚

也 不祥則福不降不仁則民不至古之明王不失此三

德者

三德仁義祥也

故能光有天下

光大也

而蘇寧百姓令聞不

忘

不忘言德及後代也

王其不可以棄之王不聽

十七年王降翟師以伐鄭

降下也

王德翟人將以其女為

后富辰諫曰不可夫婚姻禍福之階也

階梯也

由之利內

則福

利內娶得偶而有福也

利外則取禍今王外利矣

樹利其無於程

乃階禍乎

為禍階也

昔摯疇之國也由大任

摯疇二國任姓

大任仲虺之後

大任王季之妃文王之母詩云摯

杞繒由大

大如杞繒二國如姓

夏禹之後大如之家也大

齊許申呂由大姜

四國皆姜姓四岳之

後大姜之家大姜大

陳由大姬

陳橋姓舜後大姬周武王之妃王季之母大姬成王之姊傳

曰以元女大姬配

是皆能內利親親者也

內利內行七德親親以申

虞胡公而封諸陳

其昔駟之亡也由仲任駟妘姓之國仲任氏之女為駟夫人唐尚書云駟為鄭武

公所滅非取任氏而亡也昭謂幽王為西密須由伯姑

戎所殺而詩言褒姒滅之明禍有所由也

伯姑密須之女也傳曰密須之鼓闕鞏之甲此則文王

所滅而獲鼓甲也大雅云密人不恭敢距大邦不由嫁

女而亡世本鄭由叔云鄭姁姓之國叔姁同姓之女為

云密須姑姓會鄭由叔云鄭夫人唐尚書云亦鄭武公滅

之不由女亡也昭謂公羊傳曰先鄭伯有善聃由鄭姁

乎鄭公者通於夫人以取其國此之謂也

聃姁姓文王之子聃季之國鄭姁鄭女為聃夫人息由

同姓相取猶魯昭公取於吳矣亦其歸姓所以亡息由

陳媯息姁姓之國陳媯陳女為息侯夫人蔡哀侯亦取

於陳息媯將歸過蔡蔡哀侯止而見之弗賓媯以

告息侯導楚伐蔡蔡侯怨因稱息媯鄧由楚曼楚曼姓

之美於楚子楚子遂滅息以息媯歸鄧由楚曼楚曼姓

女為楚武王夫人生文王過羅由季姬羅熊姓之國季

鄧而利其國遂滅鄧而燕之羅由季姬羅熊氏之女為

羅夫人而亡其國也盧由荆媯盧媯姓之國荆媯盧女為荆夫人荆楚也是皆外利離

親者也外利行淫辟求利於外不能親親以亡其國王曰利何如而內何如

而外對曰尊貴明賢庸勲長老明顯也庸用也勲功也長老尚齒也愛親

禮新親舊親六親也新新來過賓也舊君之故舊也然則民莫不審固其心

力以役上令役為也官不易方方道也而財不匱竭貢賦有品財用也

有節不求無不至動無不濟百姓兆民百姓百官也官有世功受氏姓

也十億夫人奉利而歸諸上是利之內也夫人猶若七

德離判民乃攜貳判分也攜離也七德謂尊貴至親舊各以利還以利利其身而

去還自營也 上求不暨是其外利也 暨至夫翟無列於王室

列位也 鄭伯南也王而卑之是不尊貴也 賈侍中云南者在南服之侯伯

或云南南面君也鄭司農云南謂子男鄭今之新鄭新鄭之於王城為在畿內畿內之諸侯雖爵於侯伯周之

舊法皆食子男之地昭按內傳子產爭貢曰爵卑而貢重者甸服也鄭伯男也而使從公侯之貢懼弗給也以

此言之鄭在男服明矣周公雖制土中設九服至康王而西都鎬京其後衰微土地損減服制改易故鄭在男

服禮畿外之侯伯世位其見待重翟豺狼之德也鄭未於采地之君故曰是不尊貴之也

失周典王而蔑之是不明賢也 平桓莊惠皆受鄭也 小

勞王而棄之是不庸勲也 平王東遷依鄭武公桓王之即位鄭莊公佐之莊桓王之即

莊王它也惠莊王之孫僖王之子惠王母涼也為子積
所篡出居於鄭鄭厲公納之自平王以來鄭世有功故
曰皆受鄭勞勞功也鄭伯捷之齒長矣王而弱之是不長老也捷

文公之名翟隗姓也隗姓赤翟鄭出自宣王王而虐之是不

弱猶穉也鄭桓公友宣王之母弟出者夫禮新不間舊代

愛親也鄭國之封出於宣王之世也王以翟女間姜任非禮且棄舊也姜氏任氏之女世

女代之為棄舊也王一舉而棄七德臣故曰利外矣書有之曰

必有忍也若能有濟也書逸書也若猶乃也濟成也王

不忍小忿而棄鄭又登叔隗以階翟階階翟禍也翟封豕豺

狼也不可厭也

封大也
厭足也

王弗聽十八年王黜翟后

十八年魯

僖二十四年也黜廢也翟后翟人來誅殺譚伯誅責也
既立而通於王子帶故廢之

子帶以攻王而殺
譚伯譚伯周大夫

富辰曰昔吾驟諫王王弗從以及此

難若我不出王其以我為懟乎乃以其屬死之

帥其徒屬以死

翟初惠后欲立王子帶故以其黨啓翟人

言初者惠后已死也以其

黨者謂續叔桃子緣惠后欲立子帶故以子帶之黨啓翟人伐周

翟人遂入周王乃出

居于鄭晉文公納之

王出適鄭居于汜也文公納之而殺子帶在魯僖之二十五年

晉文公既定襄王于邲

邲邲洛邑王勤勞賞

之以地謂陽樊辭辭不請隧焉賈侍中云隧王之墓禮闕地通路曰隧昭謂隧

六隧也周禮天子遠郊之內有六鄉則六軍之事也外有六隧掌供王之貢賦唯天子有隧諸侯則無王

弗許曰昔我先王之有天下也規方千里以為甸服規

畫而以供上帝山川百神之祀以其職貢供王祭也上帝天神五帝也山川五

嶽河海也百神丘嶽陵墳衍之神也以備百姓兆民之用以待不庭不虞

之患百姓百官有世功者用財用也庭直也虞度其餘也不直猶不道也不度不億度而至之患其餘

以均分公侯伯子男其餘甸服之外地也均平也周禮公之地方五百里侯四百里伯三

百里子二百里里男百里使各有寧宇寧安也以順及天地無逢其

苗害

順順天地尊卑之義也若相侵犯則有苗害

先王豈有賴焉

賴利也言無所利皆

均分諸侯

內官不過九御

九御外官不過九品九品九卿周禮內有九室

九室九御之外有九御使潔奉

足以供給神祇而已

九御使潔奉豈敢厭縱其耳目心腹以亂百度

厭足也耳目聲

嗜欲也亦唯是死生之服物采章

采章采色文章也死之服謂六陸之民引

王輅以臨長百姓而輕重布之王何異之有

輕重布之貴賤各有

等也王何異之

有言帝王皆然今天降禍苗於周室余一人僅亦守府

僅猶劣也府

又不佞以勤叔父

勤勞也天子稱九州之長同姓曰叔父而

班先王之太物以賞私德

班分也大物謂隧也

其叔父實應且憎

以非余一人余一人豈敢有愛也

應猶受憎惡也言晉文雖當私賞猶非我

一先民有言曰改玉改行

玉佩玉所以節行步也君臣尊卑遲速有節言服其服器

行其禮以言晉侯尚在臣位不宜有隧也

叔父若能光裕大德更姓改物以

創制天下自顯庸也

光廣也裕寬也更姓易姓也改物改正朔易服色也創造也庸用也

謂為天子創造制度自顯用於天下

而縮取備物以鎮撫百姓

縮引也備物隧之屬

余一人其流辟於裔土何辭之與有

流放也言將放辟於荒裔復何陳辭

之若猶是姬姓也

謂文公未更姓而王

尚將列為公侯以復先王

之職大物其未可改也

言文公若尚在公侯之位將成霸業以興王室復先王之職則

六隧未可改也

叔父其茂昭明德物將自至

茂勉也言有天子則隧自至也

余

敢以私勞變前之大章以忝天下

章表也所以表明天子與諸侯異物也

其若先王與百姓何

言無以奉先王鎮撫百姓

何政令之為也

何以復臨

百姓而為政令乎

若不然叔父有地而隧焉

自制以為隧也

余安能知

之所不敢禁

文公遂不敢請受地而還

王至自鄭

襄王從鄭至王城魯僖公二十五年也

以陽樊賜晉文公

陽樊二邑

在畿內也陽人不服

不肖屬晉

晉侯圍之倉葛呼曰

倉葛陽人也

王以

晉君為能德

為能布德行

故勞之以陽樊陽樊懷我王德是

以未從於晉

懷思也

謂君其何德之布以懷柔之

懷來也柔安也

使無有遠志

遠志離畔也

今將大泯其宗祊

泯滅也廟門謂祊宗祊猶宗

廟也而蔑殺其民人

蔑猶滅也

宜吾不敢服也夫三軍之所尋

尋討也

將蠻夷戎翟之驕逸不虔於是乎致武

謂諸夏之國為蠻夷

之行王於是致武以伐之

此羸者陽也未狎君政

羸弱也狎習也

故臣承命

君若惠及之唯官是徵其敢逆命

官晉有司也徵召也

何足以辱

師君之武震無乃玩而頓乎

震威也玩躑也言舉非義兵誅罰失當故君之武威

將見慢躋而頓弊之臣聞之曰武不可覲文不可匿覲見也匿隱也言不當尚

武隱文也覲武無烈烈威也匿文不昭陽不承獲甸而祇以覲

武臣是以懼不然其敢自愛也祇適也言陽人既不得承王室為甸服又懼晉

不惠恤其民適以震威耀武而見殘破不然豈敢自愛而不服乎且夫陽豈有裔民裔民

謂凶惡之民裔民夫亦皆天子之父兄甥舅也謂吾舅者吾謂之甥若

之何其虐之也晉侯聞之曰是君子之言也乃出陽民

放令去也

溫之會晉人執衛成公歸之于周溫晉之河陽也成公衛文公之子成公鄭

也晉文公討不服衛成公恃楚而不從聞楚師敗于城濮懼出奔楚使元咺奉弟叔武以受盟于踐土武愬元咺曰立叔武矣衛侯殺其子角咺不廢命奉叔武以守晉人復衛侯衛侯先期入叔武將沐聞君至喜捉髮走出前驅射而殺之元咺出奔晉會于温討不服衛侯與元咺訟不勝故晉侯執之歸之于京師在魯僖二十八年晉侯請殺之王曰不可夫政自上下者也當從王上也

作政而下行之不逆故上下無怨言君臣不相怨今叔父作政

而不行無乃不可乎不行謂不順也言晉侯不行德政而聽元咺之愬欲殺衛侯夫

君臣無獄獄訟也無是非曲直獄訟之義今元咺雖直不可聽也君臣

皆獄父子將獄是無上下也而叔父聽之一逆矣又為

臣殺其君其安庸刑

庸用也刑法也

布刑而不庸再逆矣一合

諸侯而有再逆政余懼其無後也

無後無以復合諸侯

不然余何

私於衛侯晉人乃歸衛侯

在魯僖三十年晉侯使醫行醜衛侯不死魯僖為請於王

及晉侯皆納玉十鼓於是歸之

二十四年秦師將襲鄭過周北門

襄王二十四年魯僖之三十二年秦師秦

大夫孟明視之師也經曰襲周北門王城北門也

左右皆免胄而下拜超乘者

三百乘

左車左也右車右也言免胄則不解甲而拜矣超乘跳躍上車無威儀所以敗也王孫

滿觀之言於王曰秦師必有讎

滿周大夫王孫之名讎猶咎也王曰何

故對曰師輕而驕

輕謂超乘也驕謂士卒不肅也

輕則寡謀驕則無禮

無禮則脫

脫簡脫也謂不殺旅整陳

寡謀自陷入險而脫能無敗乎

險謂殺地

秦師無適是道廢也

是古道廢

是行也秦師還

鄭商覺

鄭伯之命

晉人敗諸穀獲其三帥丙術視

穀晉地也在今弘農三帥

秦三將謂白乙丙西乞術孟明視

晉侯使隨會聘于周

晉侯晉文公之孫成公之子景公孺也隨會晉正卿士為之孫成伯

之子士季

定王饗之穀烝

定王周襄王之孫頃王之子定王榆也烝升也升折俎之

穀

原公相禮

原公周卿士原襄公也相佐也

范子私於原公

范子隨會也食采於

隨范故或曰隨會或曰范會

曰吾聞王室之禮無毀折今此何禮也

王見其語也召原公而問之原公以告

以士季之言告王也

王召

士季

季范武子字

曰子弗聞乎禘郊之事則有全烝

全烝全其牲體

而升之凡禘郊皆血腥也

王公立飫則有房烝

王天子公諸侯也禮之立成者為飫房大

俎也詩云籩豆大房謂半解其體升之房也

親戚宴饗則有殽烝

殽烝升體解節折之

俎謂之折俎也

今女非它也而叔父使士季實來修舊德以獎

王室

獎成也

唯是先王之宴禮欲以貽女

貽遺也

余一人敢

設飫禘焉

飫半體禘全體

忠非親禮而干舊職以亂前好

忠厚也親

禮親戚宴饗之禮也舊職
故事前好先王之好也

且唯夫戎翟則有體薦

體委與之

也夫戎翟冒沒輕僥貪而不讓

冒抵觸也沒入也

其

血氣不治若禽獸焉其適來班貢不俟馨香嘉味

適往也班

賦故坐諸門外而使舌人體委與之

舌人能達異方之志象胥之官也

女今我王室之一二兄弟以時相見

兄弟

將餼協典禮

以示民訓則

協合也典常也

無亦擇其柔嘉

無亦不亦也柔也嘉美也

選

其馨香潔其酒醴品其百籩

籩竹器容四升其實棗栗糗餌之屬修其篚

簋

修備也篚簋黍稷之器

奉其犧象

犧象尊飾以犧牛象象尊以象骨為之飾

出其尊

彝

尊彝皆受酒之器

陳其鼎俎

俎設於左牛豕為一列魚腊腸胃為一列膚特於東瀨其

巾幕

瀨潔也巾幕所以覆尊彝

敬其祓除

祓除猶掃除也

體解節折而共飲

食之於是乎有折俎加豆

加豆謂既食之後所加之實芹菹菹之屬

幣宴貨

酬報也聘有酬賓束帛之禮其宴束帛為好謂之宴貨

以示容合好示容儀合

和好

胡有了然其效戎翟也

了然全體之貌

夫王公諸侯之有

飲也將以講事成章

講講軍旅議大事也章章程也

建大德昭大物也

大德大功大物戎器也

故立成禮烝而已

立成不坐也丞升也升其備物而已

顯物宴以食好

顯物示物備也

歲飲不倦

歲行飲禮不

時宴不

淫一時之間必有宴月會會計也計一旬修修十日之

者日完不忘日完一日之所為服物昭庸采飾顯明庸

也冕服旗章所以昭有功文章比象黼黻繪繡之文章

山龍華周旋序順周旋容止也序次也容貌有崇崇飾

止可威儀有則則法也其威可五味實氣味以實氣五

色精心五色之章所以異五聲昭德昭德謂政平者其

樂知其德五義紀宜五義謂父義母慈飲食可饗餘同可觀

敬烝故可饗以可去否曰和一心不財用可嘉酬幣宴

二曰同和同之道行則德義可觀貨以將

厚意故可嘉也

則順而建德

則法也建立也

古之善禮者將焉用全

武子遂不敢對而退歸乃講聚三代之典禮

三代夏殷周也

是乎修執秩以為晉法

秩常也可奉執以為常晉文公蒐於被廬作執秩之法自靈公

以來闕而不用故武子修之以為晉國之法

定王使單襄公聘于宋

單襄公王卿士單朝也聘問也問者王之所以撫萬國存省之

遂假道於陳以聘於楚

假道自宋適楚經陳也是時天子微弱故以諸侯相聘之禮假

道也聘禮若過國至于境使次介假道束帛將命于廟

火朝覲矣道弗可行也

火心星也覲見也草穢塞路為

候不在疆

候候人也掌送迎賓客者

疆境
司空不視塗
司空掌道路者
澤不陂
陂鄣也古不
川不梁

流曰川梁渠梁古
野有庾積
唐尚書云十六斗曰庾昭謂此庾露積穀也詩云魯

孫之庾如坻
場功未畢
治場未畢也詩云九月築場圃
道無列樹
古者列樹

以表道且為
墾田若藝
發田曰墾藝猶蒔也
膳宰不致

城守之用
餼司里不授館
司里宰也
國無寄

餼膳宰膳夫也掌賓客之牢禮生曰餼
寓亦寄也無寄寓者不為
縣無施舍
四甸為縣縣方十六里施舍賓

客負任
民將築臺于夏氏
民陳國之民臺觀臺也夏氏陳大夫夏徵舒之家
及

陳陳靈公與孔寧儀行父南冠以如夏氏留賓弗見
及

也陳靈公舜後恭公之子靈公平國也孔寧儀行父陳之二卿南冠楚冠也如往也往徵舒之家淫夏姬賓單

襄公也單子歸告王曰陳侯不有大咎國必亡也單子襄公也卿大夫

稱子於其私土稱公王曰何故對曰夫辰角見而雨畢辰角大辰

角星名也見者朝見東方建戌之初寒露節也雨畢者殺氣日至而雨氣盡也天根見而水涸

天根亢氐之間也涸竭也謂寒露雨畢之後五日天根朝見水潦盡竭也月令仲秋水始涸天根見乃盡竭

本見而草木節解本氐也謂寒露之後十日陽駟見而

隕霜謂建戌之中霜始降也火見而清風戒寒謂霜降之後清

風先至所以戒人為寒備也故先王之教曰雨畢而除道水涸而成

梁教謂月令之屬也九月雨畢十月水涸草木解節而備藏備收藏也月令季秋農事

收畢隕霜而冬裘具孟冬則天子始裘故九月可以具之清風至而修城郭

宮室謂火見之後建亥之初也故夏令曰九月除道十月成梁夏后

氏之令周所因也除道所以便行旅成梁所以便民使不涉也其時儆曰收而場功儆

而舂楫時儆時以儆告其民也收而場功使人修囷倉也待具也舂器名土籠也楫舁土之器具汝舂

楫將以營室之中土功其始定謂之營室謂建亥小雪築作也之中定星昏正於午土功

可以始也詩云定火之初見期于司里期會也致其築之方中作于楚宮

官里之此先王之所以不用財賄而廣施德於天下者也

施德謂因時警戒謹蓋藏成築功也

今陳國火朝覲矣而道路若塞野場

若棄澤不陂障川無舟梁

舟梁以舟為梁也

是廢先王之教也

周制有之曰列樹以表道立鄙食以守路

制法也表識也鄙四鄙十

里有廬廬有飲食

國有郊牧

國外曰郊牧放牧之地

置有寓望

置境也境界之上有

寄寓之舍

數有圃草

澤無水曰藪圃大也必有茂大之草以備財用

囿有林池

圓苑也林積木池積水也

所以禦菑也

禦備也菑饑兵也

其餘無非穀土民

無縣耜

言常用也入土曰耜耜柄曰耒

野無奧草

皆墾辟也奧深也

不奪民時

不蔑民功

蔑棄也

有優無匱有逸無罷國有班事

國城邑也班次

也執事

縣有序民

縣鄙之民從事有序

今陳國道路不可知田在

草間

不墾者多

功成而不收

野場若棄也

民罷於逸樂

罷於為國君作逸樂

之是棄先王之法制也周之秩官有之

秩官周常官篇名

曰敵

國賓至關尹以告

敵國位敵也關尹司關掌四方賓客叩關則為之告聘禮曰及境謁關人

關人問從者幾人

行理以節逆之

理吏也逆迎也執瑞節為信而迎之也行

理小行人為導

導賓至於朝

卿出郊勞

聘禮曰賓至于近郊君使卿朝

服用束

門尹除門

門尹司門也除門掃除門庭也

宗祝執

祀宗宗伯祝

祀實將有事於廟則

司里授館

於司里授客所當館次聘禮卿致館司

徒具徒

具徒役修道路之委積

司空視塗

視險易也

司寇詰姦

詰盜虞

人入材

虞人掌山澤之官祭祀賓客各供其材

甸人積薪

甸人掌薪蒸之官也

火師

監燎

火師司火燎庭燎也

水師監濯

水師掌水滌濯之事者

膳宰致餐

熟食曰餐

廩人獻餼

生曰餼禾米也

司馬陳芻

司馬掌帥圉人養馬故陳芻圉人職屬司馬

工

人展車

展省客車補傷敗也

百官官以物至

物事也

賓入如歸是故

小大莫不懷愛

小大謂賓介也

其貴國之賓至則以班加一等

益虔

貴國大國也班次也

至于王使則皆官正蒞事

正長也蒞臨也

上卿

監之

監視也

若王巡守則君親監之

周禮王十二歲一巡守

今雖朝

也不才有分族於周

朝單子之名有分族王之親族也

承王命以為過

賓於陳

假道為過賓

而司事莫至是蔑先王之官也

蔑欺也先

王之令有之曰

文武之教

天道賞善而罰淫故凡我造國無

從匪彝

造為也彝常也

無即愾淫

即就也愾慢也

各守爾典以承天休

典常也休慶也

今陳侯不念胤續之常棄其伉儷

妃嬪

伉對也儷偶也

而帥其御佐以淫於夏氏不亦瀆姓矣乎

御佐孔儀也賈唐二君云

姓命也一曰夏氏

姬姓鄭女亦姬姓故謂之瀆姓昭謂夏徵舒之父御叔即陳公子夏之子靈公之從祖父媯

姓也而靈公淫其妻是為褻瀆其姓

陳我大姬之後也

大姬周武王之女虞胡公之妃陳之

也 祖妣

棄衾冕而南冠以出不亦簡彝乎

衾卷龍之衣冕大冠也公之威

服簡畧也彝常也言其棄禮簡畧常服也

是又犯先王之令也

先王之令無從非彝昔

先王之教茂帥其德也猶恐隕越

言勉帥其德猶恐落墜

若廢其

教而棄其制蔑其官而犯其令將何以守國

則危無禮

居大

國之間

大國晉楚

而無此四者其能久乎

四者謂教制官令也

六年單

子如楚

定王六年魯宣之八年

八年陳侯殺于夏氏

八年魯宣之十年也陳靈

公與孔寧儀行父飲酒于夏氏公謂行父曰徵舒似汝對曰亦似君徵舒病之公出自其廐射而殺之九

年楚子入陳

楚子莊王也入陳討夏氏殺君之罪既滅陳而復封之故曰入唐尚書云遂取陳以

為縣
誤也

定王八年使劉康公聘于魯

劉畿內之國康公王卿士王季子也

發幣於

大夫

發其禮幣於魯大夫

季文子孟獻子皆儉

二子魯卿季文子季友之孫齊仲無

佚之子季孫行父也孟獻子仲慶父之曾孫公孫教之孫孟文伯歆之子仲孫蔑也儉居處節儉也叔孫

宣子東門子家皆侈

二子魯大夫叔孫宣子叔牙之曾孫莊叔得臣之子叔孫僑如也東

門子家莊公之孫東門襄仲之子公孫歸父也

歸王問魯大夫孰賢對曰季孟

其長處魯乎

言儉也

叔孫東門其亡乎

言侈也

若家不亡身

必不免王曰何故對曰臣聞之為臣必臣為君必君

臣尚

敬君尚
惠也

寬肅宣惠君也

肅整也宣徧也惠愛也

敬恪恭儉臣也寬

所以保本也

本位也寬則得衆故可以守位

肅所以濟時也

濟成也

宣所

以教施也

施徧則民不怨

惠所以和民也本有保則必固時動

而濟則無敗功

不干時而動則無敗功也

教施而宣則徧惠以和民

則阜

阜厚也

若本固而功成施徧而民阜乃可以長保民

矣其何事不徹

徹達也

敬所以承命也恪所以守業也恭

所以給事也儉所以足用也

儉則有餘故所以足用

以敬承命則

不違以恪守業則不懈以恭給事則寬於死

寬猶以儉遠也

足用則遠於憂

無乏絕之憂且遠驕僭之罪也

若承命不違守業不懈

寬於死而遠於憂則可以上下無隙矣

上下君臣也隙瑕釁也

其

何任不堪上任事而徹下能堪其任所以為令聞長世

也

長世多歷年也

今夫二子者儉其能足用矣

二子季孟言二人其能以儉足

用用足則族可以庇

庇覆也恭儉節用無取於民國人說之故其宗族可以覆蔭

二

子者侈侈則不恤匱匱而不恤憂必及之

志在奢侈不恤人之窮匱

故憂患必及之

若是則必廣其身

廣大也務自大顧其上也

且夫人臣而

侈國家弗堪亡之道也王曰幾何對曰東門之位不若

叔孫而秦侈焉不可以事二君

東門大夫叔孫御也位在人下而侈其上重而

無基故不可

以事二君 叔孫之位不若季孟而亦秦侈焉不可以

事三君

叔孫下御季孟上御

若皆蚤世猶可

蚤世蚤即亡也其家猶可以免也

若

登年以載其毒必亡

登年多歷年也載行也毒害也必亡家必亡也

十六年魯

宣公卒

定王十六年魯宣之十八年

赴者未及東門氏來告亂子家

奔齊

來告告周大夫也東門子家謀去三桓使如晉未反宣公薨三桓逐子家遂奔齊也諸侯大夫以君

命使出出必有禮贄私覲之事以通情結好吉凶相告子家嘗使于周故以亂告也告在魯宣十八年赴者未

及明不簡王十一年魯叔孫宣伯亦奔齊成公未没二

年簡王定王之子簡王夷也十一年魯成十六年也宣伯僑如也通於宣公夫人穆姜欲去季孟而專公室

國民逐之故出奔齊言成公未汲二年明不及三君也

簡王八年魯成公來朝簡王八年魯成十三年也成公將與周晉伐秦而朝使叔

孫僑如先聘且告使僑如先修聘禮且告周以成公將朝也見王孫說與之

語說周大夫也說言於王曰魯叔孫之來也必有異焉其享

覲之幣薄而言諂殆請之也若請之必欲賜也魯執政

唯強故不歡焉而後遣之魯執政之人唯畏其強禦難距其欲故不歡說而後遣之

且其狀方上而銳下宜觸冒人王其勿賜若貪陵之人

來而盈其願是不賞善也且財不給

給也

故聖人之施

舍也議之

施予也舍不予也

其喜怒取予也亦議之是以不主

寬惠亦不主猛毅

主猶名也

主德義而已

賞得其人罰當其罪是為德義

王

曰諾使私問諸魯請之也王遂不賜禮如行人

如使人之禮無

加賜及魯侯至仲孫蔑為介

在賓為介介上介所以佐相禮儀

王孫說與

之語說讓

說好也言蔑好讓

說以語王王厚賄之

晉既克楚于鄢

克勝也晉厲公伐鄭楚人救之戰于鄢在魯成十六年

使卻至告

慶于周

卻至晉御步揚之孫蒲城離居之子温季也告慶以勝楚之福告王也

未將事

將行

也未行告

王叔簡公飲之酒

簡公周大夫王叔陳生也

交酬好貨皆

厚

交酬相酬之幣也好貨宴飲以貨為好厚者幣物多也

飲酒宴語相說也明日

王叔子譽諸朝卻至見召桓公與之語

名桓公王卿士

召公以

告單襄公曰王叔子譽溫季以為必相晉國相晉國必

大得諸侯勸二三君子必先導焉可以樹

二三君子在朝公卿也導

者導晉侯使升卻至以為上卿可以樹黨於晉

今夫子見我以晉國之克也為

已實謀之

言戰勝楚吾之謀也

曰微我晉不戰矣

微無也

楚有五敗

晉不知乘我則強之

乘陵也

背宋之盟一也

宋盟宋華元所合晉楚之

成也華元善楚令尹子重又善晉欒武子故遂合二國
之好盟在魯成十二年至十六年楚鄭背盟伐宋也

德薄而以地賂諸侯二也

楚王薄德鄭人不從楚以汝陰之田賂鄭鄭叛晉從楚也

棄壯之良而用幼弱三也

壯之良謂申叔時幼弱謂司馬子反也

建立卿

士而不用其言四也

卿士子囊子囊不欲背晉楚王不聽

夷鄭從之三陳

而不整五也

夷楚東之夷也晉語曰楚恭王帥東夷救鄭三陳夷鄭楚也

臯不由晉

晉得其民

言楚叛盟非晉之臯得民得民心也

四軍之帥旅方剛

時晉立四

軍四軍之帥晉八卿也欒書將中軍士燮佐之卻錡將上軍荀偃佐之韓厥將下軍知瑩佐之趙旃將新軍卻

至佐之旅衆也剛強也

卒伍治整諸侯與之

以晉有信故諸侯與之

是有五

勝也有辭一也

楚背盟故
晉有辭也

得民二也軍帥彊禦三也行

列治整四也諸侯輯睦五也有一勝猶足用也有五勝

以伐五敗而避之者非人也不可以不戰樂范不欲我

則彊之

樂樂書也
范士變也

戰而勝是吾力也

謂卻至曰楚有
六間不可失也

且

夫戰也微謀

微無也言
軍無計謀

吾有三伐

伐功也三伐
勇禮仁也

勇而有

禮反之以仁吾三逐楚君之卒勇也見其君必下而趨

禮也

下下
車也

能獲鄭伯而赦之仁也

卻至從鄭伯其右弗
翰胡曰余從之乘而

俘以下卻至曰傷
國君有刑乃止

若是而知晉國之政楚越必朝

知政
謂為

政也 吾曰子則賢矣 吾召桓公自謂 抑晉國之舉也不失其次吾

懼政之未及子也

郤至位在七人下故恐次未及也

謂我曰夫何次之

有昔先大夫荀伯自下軍之佐以政

荀伯荀林父也從下軍之佐第六卿

升為正卿也

趙宣子未有軍行而以政

宣子趙盾也為中軍佐第二卿未有軍行

升為正卿也 今欒伯自下軍往

欒伯欒書也將下軍第五卿而為正卿也

是三子也

吾又過於四之無不及

三子荀趙欒也得郤至四人之已之材優於彼四人也三言之

中無有所不及也

若佐新軍而升為政不亦可乎將必求之是

其言也君以為奚若

言如是君以為何如也

襄公曰人有言曰兵

在其頸其卻至之謂乎君子不自稱也稱舉也非以讓也

惡其蓋人也蓋掩也夫人性陵上者也如能在人上者人欲勝陵之也故君

子上禮讓而天下莫敢陵也不可蓋也言人之美不可掩也求蓋人其抑下滋

甚滋甚也求掩蓋人以自高大則其抑退而下益甚也故聖人貴讓且諺曰獸惡

其網民惡其上獸惡其網為其害已民惡其上為其病已書曰民可近也而

不可上也書逸書民可近可以恩意近也詩曰愷悌君子

求福不回回邪也求福以禮不以邪也在禮敵必三讓敵體敵也是則聖

人知民之不可加也上加猶上也故王天下者必先諸民然後

庇焉則能長利

先諸民先求民志也庇猶廢也言王者先安民然後自庇廢也長利長有福利

也今卻至在七人之下而欲上之是求益七人也其亦

有七怨怨在小醜猶不可堪而況在侈卿乎其何以待

之待猶備也晉之克也天有惡於楚也故倣之以晉而卻至

佻天以為己力不亦難乎佻偷也偷天功以為己力佻天不祥乘人

不義乘陵也不祥則天棄之不義則民畔之且卻至何三

伐之有夫仁禮勇皆民之為也民力所為以義死用謂之勇

若富辰也奉義順則謂之禮謂若管仲責楚包茅畜義豐功謂之仁大豐

也謂若狐
偃輔晉文
姦仁為佻
以姦偽行仁為偷仁
姦禮為羞
羞恥

也謂見楚
君而趨
姦勇為賊
選賊國也姦勇謂逐楚卒
夫戰盡敵為上守餘

同順義為上
守和同謂不相與戰而
故制戎以果毅
戎兵

也殺敵為果
致果為毅
制朝以序成
序次也朝不越爵則政成
畔戰而擅舍鄭

君賊也棄毅行容羞也
容容儀也謂下趨也
畔國即讎佻也
畔其國而

即讎人謂舍鄭
伯欲以偷仁也
有三姦以求替其上遠於得政矣
替廢也

以吾觀之兵在其頸不可久也雖吾王叔未能違難在

大誓曰民之所欲天必從之王叔欲卻至能勿從乎
違避

也今周書大誓無此言其散亡乎

卻至歸明年死難

明年魯成十七年也死謂為厲公所

殺及伯輿之獄王叔陳生奔晉

伯輿周大夫獄訟也王叔陳生與伯輿爭政王

佐伯輿王叔不勝遂出奔晉在魯襄十年

國語卷二

欽定四庫全書

國語卷三

吳韋昭注

周語下

柯陵之會

柯陵鄭西地名經書公會尹子單子晉侯齊侯宋公衛侯曹伯邾人伐鄭六月乙酉同盟

于柯陵在魯成十七年

單襄公見晉厲公視遠步高

襄公王卿士單朝之諡也

時命事而不與會故不書厲公晉成公之孫景公之子厲公州蒲也視遠望視遠步高舉足高晉郤錡

見單子其語犯

郤錡晉卿郤克之子駟伯也犯陵犯人

郤犢見其語透

郤犢

晉卿卻錡之族父步揚之子卻至見其語伐卻至晉卿

若成叔也却至晉卿迺回加誣於人卻至晉卿

子溫季昭子也國佐齊卿國歸父之齊國佐見其語盡子國武子也盡者盡

伐好自伐其功其心意善惡褒魯成公見言及晉難及卻擊之魯宣

敗無所諱也公之子成公黑肱也言及晉難語次及晉將罪己之難

及為卻擊所誣晉將伐鄭使欒黶乞師於魯成公將如

會叔孫僑如通於成公之母穆姜欲去季孟氏而取其

室穆姜送公使逐季孟公以晉難告請反而聽命姜怒

公子偃公子鉏趨過指之曰汝不可是皆君也公懼待

於壞墮傲守而後行故不及戰卻擊受僑如之賂為之

譖魯於晉侯曰魯侯後至者待於壞墮將以待

勝者也晉侯怒不見公故成公為單子言之單子曰

君何患焉晉將有亂其君與三卻其當之乎魯侯曰寡

人懼不免於晉今君曰將有亂敢問天道乎抑人故也

故事也將以天將占之乎以人事知之也對曰吾非瞽史焉知天道瞽樂大

音樂風氣執同律以聽軍聲而詔吉凶史大史掌抱天時與大師同車皆知天道者吾見晉君之

容而聽三郤之語矣殆必禍者也夫君子目以定體足

以從之體手足也論語曰四體不勤是以觀其容而知其心矣心不固則

容不目以處義義宜也足以步目今晉侯視遠而足高目

不在體在存也而足不步目其心必異矣目體不相從何

以能久夫合諸侯國之大事也於是乎觀存亡故國將

無咎其君在會步言視聽必皆無謫則可以知德矣

謫譴

也

視遠日絕其義

言日日絕其宜也

足高日棄其德

人君容止佩玉有節

今步高失宜棄其德也

言與日反其信

與貳也反違也

聽淫日離其名

淫濫

也離失也名聲也失所名

夫日以處義足以踐德

踐履也動履德行

口以庇

信庇覆也言行相覆為信

耳以聽名者也

耳所以聽別萬物之名聲

故不可不

慎也偏喪有咎

喪亡也步言視聽四者而亡其二為偏喪偏喪有咎咎及身也

既喪則

國從之

既盡也四者盡喪國從而亡

晉侯與二吾是以云

與當為喪字之誤也

喪二視與步也是為偏喪故言晉君當之

夫卻氏晉之寵人也三卿而五大

夫可以戒懼矣

三御錡畢至也復有五人為大夫故號八郤也

高位寔疾債高者

近危疾速債顛也

厚味寔腊毒

厚味喻重祿也腊亟也讀若廟昔酒馮味厚也其毒亟也

今

郤伯之語犯叔适季伐

伯錡也叔篚也季至也

犯則陵人适則誣

人伐則揜人

掩人之美

有是寵也而益之以三怨其誰能忍

之

益猶加也三怨陵誣揜也

雖齊國子亦將與焉

與猶與於禍也

立於淫亂

之國而好盡言以招人過怨之本也

招舉也

唯善人能受

盡言

思聞過以自改

齊其有乎

言無也

吾聞之國德而鄰於不修

必受其福

國德已國有德也鄰於不修與不修德者為鄰也

今君偪於晉而鄰

於齊齊晉有禍可以取伯無德之患何憂於晉且夫長

翟之人利而不義

長翟之人謂叔孫僑如也僑如之父得臣敗翟於鹹獲長翟僑如因名其

子為僑如利而不義者好利而不義通於穆姜欲逐季孟而專魯國其利淫矣流之若何

言其所利驕淫之事耳流放也放之若何魯侯歸乃逐叔孫僑如簡王十一

年諸侯會于柯陵簡王十一年魯成十七年十二年晉殺三郤十三

年晉侯殺厲公既殺三郤藥書中行偃懼於翼東門葬

以車一乘翼晉別都也傳曰葬之於翼東門之外不得同於先君也禮諸侯七命遣車七乘以車一

乘不齊人殺國武子是年齊人又殺國佐也齊慶克通成喪齊人殺國武子於靈公之母聲孟子國佐召慶克

而謂之慶克以告夫人夫人愬之於靈公靈公殺之在魯成十八年

晉孫談之子周適周事單襄公

談晉襄公之孫惠伯談也周者談之子晉悼公

之名晉自獻公用驪姬之讒誚不畜羣公子故孫周適周事單襄公

立無跛

跛偏任也視無還

睛轉復反為還聽無聳

不聳耳而聽

言無遠

遠謂非耳目所及也

言敬必及天

象天之敬乾乾不息

言忠必及意

出自心意為忠

言信必及身

先信於身而後及人

言仁必及人

博愛於人為仁

言義必及利

能利人物然後為義易曰利物足以和義

言知必及事

能處事物為知

言勇必及制

以義為制也勇而不義非勇也

言教

必及辯

辯別也能分別是非乃可以教

言孝必及神

孝於鬼神則存者信矣

言惠

必及蘇

惠愛也和睦也言致和睦乃能親愛

言讓必及敵

雖在匹敵猶以禮讓晉國

有憂未嘗不戚

急其宗也

有慶未嘗不怡

慶福也怡說也

襄公有疾

召頃公而告之

頃公單襄公之子也

曰必善晉周將得晉國其行

也文

經緯天地曰文

能文則得天地天地所祚小而後國

祚福也天

之所福小則得國大則得天下

夫敬文之恭也

文者德之總名恭者其別行也十一義皆如之

忠文之實也

忠自中出故為文實誠也

信文之孚也

孚覆也

仁文之愛

也

仁者文之慈愛

義文之制也

義所以制斷事宜

知文之興也

知所以載行文

德勇文之帥也

謂以勇帥行其心義

教文之施也

所以施布德化

孝文之

本也言人始于事親 惠文之慈也慈愛 讓文之材也材

也 象天能敬言能則天 帥意能忠帥循也循已心意 思

身能信思誠其身乃為信也 愛人能仁言愛人 利制能

義以利為制 事建能知能處立百 帥義能勇循義而行

子有勇而亂施辯能教 施其道化能辨 昭神能孝昭顯也

之若周慈和能惠 慈和能惠慈愛和睦 推敵能讓與己體敵猶推

此十一者夫子皆有焉晉周 天六地五數之常也天有六氣

謂陰陽風雨晦明也地經之以天緯之以地以天之六氣為經以

五行金木水火土也

地之五行為經緯不與文之象也也與差文王質文故天

祚之以天下夫子被之矣質文其質性有文德也被被服之也言文王質性有文德

故能得天下晉周則其昭穆又近可以得國父昭子穆孫復為昭

被服之可以得國一昭一穆相次而下近者且夫立無跛正也視無還端

言周子之親與晉最近也聽無聳成也成定言無遠慎也夫正德之道也德之道

也成定言無遠慎也夫正德之道也德之道端德之信也端懋成德之終也志定慎德之守也守

也德守終純固道正事信明令德矣言周子明慎成端正

德之相也相助也慎成端正為晉休戚不背本也休喜

被文相德非國何取

被服文德又非國何取言必得國

成公之

歸也吾聞晉之筮之也

成公晉文公之庶子成公黑臀也歸者自周歸于晉晉趙穿殺

靈公趙盾逆公子黑臀于周而立之筮曰筮筮立成公

遇乾之否曰配而不終君

三出焉

乾下乾上乾坤下乾上否乾初九九二九三變而之否也乾天也君也故曰配配先君也不終

子孫不終為君也乾下變而為坤坤地也臣也天地不交曰否變有臣象三爻故三世而終上有乾乾天子也

五體不變周天子國也三爻有三變故君三出於周一既往矣後之不知其次必

此一謂成公已往為晉君也後之不知不知最後且吾此者在誰也其次必此次成公而往者必周子也

聞之成公之生也其母夢神規其臀以墨曰使有晉國

規畫也
臀尻也

三而昇驩之孫

昇予也三世為君而更予驩之孫驩晉襄公之名也孫曾孫周

子也自孫以下皆稱孫詩云周公之孫謂僖公也

故名之曰黑臀於今再矣

賈侍

中云於今單襄公時也晉厲公即黑臀之孫也黑臀之後二世為君與黑臀滿三世矣唐尚書云時晉景公在位成公生景公故言再昭謂魯成十七年單襄公與晉厲公會于柯陵後二年而單襄公卒其歲厲公殺則襄公將死時非景公襄公曰驩此其孫也

此周子者晉襄公之孫而

令德孝恭非此其誰且其夢曰必驩之孫實有晉國其

卦曰必三取君於周其德又可以君國三襲焉

襲合也三合德

卦夢吾聞之大誓故曰朕夢協于朕卜襲于休祥戎商必

克

大誓伐紂之誓也故故事也朕武王自謂也協亦合也休美也祥福之先見者也戎兵也言武王夢與卜

合又合美善之祥以兵伐殷當必克之

以三襲也

言武王夢卜祥三合故遂克商有天下也今晉

周德夢卜亦三合將必得國

晉仍無道而鮮胄其將失之矣

仍數也鮮寡也

胄後也晉厲公數行無道晉公族之後又寡少將失國也

必蚤善晉子其當之也

子晉

周頃公許諾及厲公之亂召周子而立之是為悼公

亂謂

也殺

靈王二十二年

靈王周簡王之子靈王大心也二十二年魯襄公二十四年是歲齊人城郟

穀洛鬪將毀王宮

穀洛二水名也鬪者洛在王城之南穀在王城之北東入于漣鬪者兩水

激有似于關也至靈王時穀水盛出於王城之西而南流合于洛水毀王城西南將及王宮故齊人城郊王

欲壅之

欲壅防穀水使北出也

大子晉諫曰不可

晉靈王大子晉也蚤卒不立

聞古之長民者

長猶君也

不墮山

墮毀也

不崇數

崇高也澤無水曰數

不

防川

防障也流曰川

不竇澤

澤居水也竇決也不為此四者為其反天性

夫山土之

聚也藪物之歸也

物所生也

川氣之導也

導達也易曰澤山澤通氣

澤

水之鍾也

鍾聚也

夫天地成而聚於高歸物於下

聚聚物也高山

陵也下藪澤也

疏為川谷以導其氣

疏通也

陂唐汚庠以鍾其美

畜水曰陂唐堤也美謂滋潤

是故聚不弛崩而物有所歸

大曰崩小曰弛氣

不沈滯而亦不散越

沈伏也滯積也越遠也

是以民生有財用而

死有所葬

物有所歸故生有財用山陵不崩故死有所葬齊語曰陵為之終

然則無天

昏札瘥之憂而無飢寒乏匱之患

短折曰天狂惑曰昏疫死曰札瘥病也

故上下能相固以待不虞

虞度也

古之聖王唯此之慎

慎逆

天地之性

昔共工棄此道也

賈侍中云共工諸侯炎帝之後姜姓也顓頊氏衰共工氏侵陵

諸侯與高辛氏爭而王也或云共工堯時諸侯為高辛所滅昭謂為高辛所滅安得為堯諸侯又堯時共工與

此異也

虞于湛樂

虞安也湛淫也

淫失其身欲壅防百川墮高堙

庫以害天下

堙塞也高謂山陵庫謂池澤

皇天弗福庶民弗助禍亂

並興共工用滅其在有虞有密伯鯀

有虞舜也鯀禹父密鯀國伯爵也堯

時在位而言有虞者鯀之誅舜之為也

播其淫心稱遂共工之過

播放也稱舉也

舉遂共工之過者謂鄆洪水

堯用殛之于羽山

殛誅也舜臣堯殛鯀于羽山羽山今在東

海祝其縣南

其後伯禹念前之非度

度法也

釐改制量

釐理也量度也

象物天地

取法天地之物象也在天成象在地成形

比類百則

類亦象也

儀之于

民

儀準也而度之于羣生

度之謂不傷害也

共之從孫四岳佐之

共共工也從孫昆弟之孫也四岳官名主四岳之祭為諸侯伯佐助也言共工從孫為四岳之官掌帥諸侯助

禹治水

高高下下疏川道滯

高高封崇九山也下下陂鄆九澤也疏川決江疏河也道

滯鑿龍門也
鍾水豐物
鍾聚也畜水潦所以豐殖百物
封崇九山
封大也崇高也

除其壅塞之害通其水泉使不墮壞是謂封崇
凡此諸言九者皆謂九州之中山川藪澤決汨九川

汨通陂鄣九澤
障防也
豐殖九藪
豐茂也殖長也
汨越九原
越揚也

宅居九隩
隩內也九州之內皆可宅居
合通四海
使之同軌
故天無伏陰

伏陰夏地無散陽
散陽李梅冬實
水無沈氣
沈伏也無伏積之氣
火無災

燂燂
燂起兒天曰災人曰火
神無間行
間行姦神淫厲之屬
民無淫心
陰陽調財用足

故無淫時無逆數
逆數四時寒暑反逆
物無害生
蝗螟之屬不害嘉穀
帥象

禹之功度之于軌儀
帥循也軌道也儀法也
莫非嘉績克厭帝心

謂禹與四岳也嘉善也績功也克能也厭合也帝天也皇天嘉之祚以天下也祚祿也論

語曰帝臣不蔽簡在帝心是也賜姓曰姒氏曰有夏也謂其

能以嘉祉殷富生物也祉福也殷盛也賜姓曰姒氏曰

下生有萬物如猶祉也夏大也胙四岳國命為侯伯也

佐禹有功封於呂命賜姓曰姜也炎帝世衰其後變易

至四岳有德帝復賜之氏曰有呂為氏謂其能為禹股

肱心膂以養物豐民人也肱臂也豐厚也氏曰有呂者

為言膂也此一王四伯豈繫多寵皆亡王之後也王謂

伯謂四岳也為四岳伯故稱四伯緊是也言禹與四岳
豈是多寵之人乃亡王之後禹鯀之子禹郊鯀而追王
之四岳共工從孫共工侵陵諸侯以自王言皆
無道而亡非伯王所起明禹岳之興非因之也唯能釐

舉嘉義舉用也以有膺在下守祀不替其典下後也典常也有夏

雖衰祀卽猶在祀卽二國夏後也猶在在靈王之世申呂雖衰齊許猶在

申呂四岳之後商周之世或封於申齊許其族也唯有嘉功以命姓受祀迄于

天下受祀謂封國受命祀社稷山川也迄至也至於有天下謂禹也祀或為氏及其失之也

必有愾淫之心間之愾慢也間代也慢淫之心代其嘉功謂若桀也故亡其

氏姓踣斃不振踣僵也振救也絕後無主無祭主也堙替隸圉堙沒也替

廢也隸役也
園養馬者

夫亡者豈繫無寵皆黃炎之後也絲黃帝之後共

工炎帝唯不帥天地之度不順四時之序不度民神之

義義宜不儀生物之則儀準也以殄滅無膚至于今不祀

及其得之也必有忠信之心間之以忠信之心代其悞淫也度於天

地而順於時動順四時之令而動也籛於民神而儀於物則故高

朗令終顯融昭明朗明也終猶成也融長也命姓受氏而附之以令

名附隨也若啓先王之遺訓啓開也訓教也省其典圖刑法典禮也圖

象也而觀其廢興者皆可知也其興者必有夏呂之功焉

其廢者必有共繇之敗焉今吾執政無乃實有所避

違避

也而滑夫二川之神

滑亂也

使至於爭明以妨王宮

明精氣也

王而飾之無乃不可乎人有言曰無過亂人之門

亂人狂悖

怨亂之人也過其門干其怒也

又曰佐饗者嘗焉

饗烹煎之官也

佐鬪者傷焉

又曰禍不好不能為禍

猶財色之禍生於好之

詩曰四牡騤騤

旒有翩亂生不夷靡國不泯

詩大雅桑柔二章也騤騤行兒鳥隼曰旒龜蛇曰旒

翩翩動搖不休之意夷平也靡無也泯滅也疾厲

又

曰民之貪亂寧為荼毒

桑柔之十一章也寧安也荼苦也言民疾王之虐貪樂禍亂安

為苦毒之行

夫見亂而不惕所殘必多其飾彌彰

惕惕然恐懼也彌終

也章箬也言見禍亂之戒不恐懼修省以銷災咎而壅飾之禍敗終將章箬

民有怨亂猶不

可過而况神乎王將防鬪川以飾宮是飾亂而佐鬪也

其無乃章禍且過傷乎自我先王厲宣幽平而貪天禍

至於今未弭

弭止也此四王父子相繼厲暴虐而汙宣不務農而料民幽昏亂以滅西周平不能

修政至於微弱皆已行所致故曰貪天禍禍敗至今未止

我又章之懼長及子孫王

室其愈卑乎其若之何自后稷以來寧亂

寧安也堯時鴻水黎民阻

飢糶播百穀民用乂安

及文武成康而僅克安民自后稷之始基

靖民十五王而文始平之

基始也靖安也自后稷播百穀以始安民凡十五王世修

其德至文王乃平民受命也十五王謂后稷不窋鞠陶公劉慶節皇僕差弗毀隃公非高圉亞圉公祖大王王

李文王也

十八王而康克安之

十八者加武王成王康王并上十五

其難也如

是厲始革典十四王矣

革更也典法也厲王無道變更周法至今已十四王也謂厲宣

幽平桓嚴僖惠襄頃匡定簡靈

基德十五而始平基禍十五其不濟乎

至景王十五世

吾朝夕儆懼曰其何德之修而少光王室以逆

天休

少猶裁也光明也逆迎也休慶也

王又章輔禍亂將何以堪之章

也輔助也

王無亦鑒于黎苗之王下及夏商之季

鑒鏡也黎九黎苗三

苗也少皞氏衰九黎亂德顛頊滅之高辛氏衰三苗又亂堯誅之夏商之季謂桀紂也湯武滅之上不

象天而下不儀地中不繇民而方不順時不共神祇

方也謂逆而蔑棄五則儀地也則法也謂象天是以人

夷其宗廟而火焚其彛器夷滅也彛尊也子孫為隸下夷

於民隸役也而亦未觀夫前哲令德之則則此五者而受

天之豐福饗民之勲力子孫豐厚令聞不忘是皆天子

之所知也天所崇之子孫或在畎畝由欲亂民也崇高也賈

侍中云一耦之發廣尺深尺為畎百步為畝畝謂下曰畎高曰畝畝壠也書序曰異畝同穎畎畝之

人或在社稷由欲靖民也

靖治也

無有異焉

唯所行也

詩云殷

鑒不遠在夏后之世

謂湯伐桀也

將焉用飾宮其以徼亂也

度之天神則非祥也比之地物則非義也類之民則則

非仁也方之時動則非順也咨之前訓則非正也

咨議也

觀之詩書與民之憲言

詩書上亂生不夷之屬民之憲言無過亂人之門

則皆

亡王之為也上下儀之無所比度王其圖之夫事大不

從象小不從文

象天象也文詩書也

上非天刑下非地德

刑法也德猶利也

也中非民則方非時動而作之者必不節矣作又不節

害之道也王卒壅之及景王多寵人亂於是乎始生

景王

周靈王之太子晉之弟也多寵人謂寵子朝及臣賓孟之屬也

景王崩王室大亂

景王

無適子既立子猛又許賓孟立子朝未立而王崩單子劉子立子猛而攻子朝王室大亂

及定王王

室遂卑

定王頃王之子靈王祖父而言及定王王室遂卑非也定當為貞貞王名介敬王子也是時諸

大臣專政諸侯無伯故王室遂卑

晉羊舌肸聘于周

肸晉大夫羊舌肸之子叔向之名

發幣於大夫及單

靖公

發其禮幣於周大夫次及單靖公靖公王卿士單襄公之孫頃公之子

靖公享之儉

而敬

享禮薄而身敬也

賓禮贈餞視其上而從之

賓禮所以禮待叔向之禮

也送之以物曰贈以飲食曰餞餞郊禮也
燕無私貨及籩

豆之上位在靖公上也視之不敢踰也
加也送不過郊亦言無私語說昊天有成命及者說樂

也昊天有成命周頌篇名單之老送叔向
大夫之貴臣為室老叔向

告之曰異哉吾聞之曰一姓不再興今周其興乎其有

單子也一姓一代也昔史佚有言史佚周武王時太史尹佚曰動莫若敬

敬可久也居莫若儉儉易容也德莫若讓讓遠怨也事莫若咨咨寡失也單

子之眎我禮也皆有焉夫宮室不崇崇高也器無彤鏤儉

也彤丹也鏤刻金飾也身聳除潔聳懼也除治也外內齊給敬也外在朝廷內治

家事齊整也宴好享賜不踰其上讓也宴好所以通情結好也享賜所以酬

賓賜下也賓之禮事放上而動咨也放依也咨言必與上咨也如是而加

之以無私重之以不殺殺雜也衆人過郊單子獨否所以不殺雜能辟怨矣

居儉動敬德讓事咨而能辟怨以為卿佐其有不興乎

且其語說昊天有成命頌之盛德也盛德二后也謂成王即位始郊見推

文武受命之功以郊祀天地而歌之其詩曰昊天有成命二后受之成王

不敢康昊天大號也二后文武也康安也言昊天有所成命文武則能受之謂修己自勤以成其王

功非謂周成王身也賈鄭唐說皆然夙夜基命宥密夙蚤也夜莫也基始也命信也宥寬也密

寧也言二后蚤起夜寐始於緝熙宜厥心肆其靖之

緝明

也熙光也宜厚也厥其也肆固也靖和也是道成王之

德也

是詩道文武能成其王德

成王能明文昭能定武烈者也

烈威也言

能明其文使之昭定其武使之威

夫道成命者而稱昊天翼其上也

稱舉

也翼二后受之讓於德也

推功曰讓書曰允恭克讓賈唐二君云言二后所以受天

命者以能讓有德也謂詢于八虞訪于辛尹之類

成王不敢康敬百姓也

言不敢自

安逸者是其敬百姓也百姓百官

夙夜恭也

夙夜敬事曰恭書曰文王至于日昃不遑暇食

基

始也命信也宥寬也密寧也緝明也熙廣也

鄭後司農云廣當為

如之光虞亦亶厚也肆固也靖蘇也其始也翼上德讓而敬

百姓其始篇之首句也其中也恭儉信寬帥歸於寧其

篇之中句也帥循也言其恭其終也廣厚其心以固蘇

之其終篇之終句也廣厚其始於德讓中於信寬終於

固蘇故曰成成其單子儉敬讓咨以應成德應當單

若不興子孫必蕃後世不忘詩曰其類維何室家之壺

詩大雅既醉之六章類族類也壺壺也言孝子君子萬

年永錫祚祚福也類也者不忝前哲之謂也言能以

類也者不忝前哲之謂也孝道施

於族類故不壺也者廣裕民人之謂也萬年也者令聞

不忘之謂也祚胤也者子孫蕃育之謂也單子

蕃息也育長也

朝夕不忘成王之德可謂不忝前哲矣膺保明德

膺抱也保

持以佐王室可謂廣裕民人矣若能類善物以混厚民

人者必有章譽蕃育之祚

物事也混同也章明也

則單子必當之

矣單若有闕必茲君之子孫實續之不出於它矣

單單氏之

世也闕缺也茲此也此君靖公也它它族也

景王二十一年將鑄大錢

景王周靈王之子景王貴也二十一年魯昭之十八年也

錢者金幣之名所以貿易物通財用也古曰泉後轉曰錢賈侍中云虞夏商周金幣三等或赤或白或黃黃為上幣銅鐵為下幣大錢者大於舊其賈重也唐尚書云大錢重十二銖文曰大泉五十鄭後司農說周禮云錢始蓋一品也周景王鑄大錢而有二品後數變易不識本制至漢唯五銖久行王莽時錢乃有十品今存於民多者有貨布大泉貨泉大泉徑寸二分重十二銖文曰大泉五十則唐君所謂大泉者乃莽時泉非景王所鑄明矣又景王至赧王十三世而周亡後有戰國秦漢幣物改轉不相因先師所不能紀或云大錢文曰寶貨皆非事實又單穆公云古者有母平子子權母而行然則二品之來古而然矣鄭君云錢始一品至景王有二品省之不孰耳單穆公曰不可穆公王卿士單靖公之曾孫古者天灾降戾降下也戾至也灾於是乎量資幣權輕重以振救民謂水旱蟲螟之類猶量

度也資財也權稱也振極也

民患輕則為之作重幣以行之

民患幣輕而物

貴則作重幣以行其輕也

於是乎有母權子而行民皆得焉

重曰母輕曰子

以子質物物輕則子獨行物重則以母權而行之子母相通民皆得其欲

若不堪重則多作

輕而行之亦不廢重於是乎有子權母而行小大利之

堪任也不任之者幣重物輕妨其用也故作輕幣雜而用之以重者質其貴以輕者質其賤子權母者母不足則以子平而行之故錢小大民皆以為利也今王廢輕而作重民失其資能

無匱乎

廢輕而作重則本竭而末寡故民失其資也

若匱王用將有所乏

民財

匱無以供上故王用將乏也

乏則將厚取於民

厚取厚

民不給將有

遠志是離民也

給供也遠志逋逃也

且夫備有未至而設之

備國備也

未至而設之謂豫備不虞安不忘危

有至而後救之

至而後救之謂若救火療疾量資幣平輕

重之屬

是不相入也

二者先後各有所宜不相入不相為用也

可先而不備謂

之急

急緩也

可後而先之謂之召灾

謂民未患輕而重之離民匱財是謂召灾

周固羸國也天未厭禍焉而又離民以佐灾無乃不可

乎

言周固已為羸病之國天降禍灾未厭已也

將民之與處而離之將灾是

備禦而召之則何以經國

君以善政為經臣奉而成之為緯也

國無經何

以出令令之不從上之患也故聖王樹德於民以除之

樹立也除除
今不從之患
夏書有之曰闕石蘇均王府則有
夏書逸書也闕

門闕之征也石今之斛也言征賦調
均則王之府藏常有也一曰闕衡也
詩亦有之曰瞻彼

旱鹿榛桔濟濟
詩大雅旱鹿之首章也旱山名山足曰鹿榛似栗而小桔木名濟濟盛貌盛者

言王者之
德被及也
愷悌君子干祿愷悌
愷樂也悌易也干求也君子謂君長也言陰陽

調草木盛故君子
以求祿其心樂易
夫旱鹿之榛桔殖
殖長也
故君子得以

易樂干祿焉若夫山林匱竭林鹿散亡藪澤肆既
肆極也

盡也散亡謂無
山林衡虞之政
民力彫盡田疇荒蕪資用乏匱
彫傷也穀地為

田麻地為疇荒
虛也蕪穢也
君子將險哀之不暇而何易樂之有焉

險危也 且絕民用以實王府

絕民用謂廢小錢斂而鑄大也猶塞川原而

為潢汚也其竭也無日矣

大曰潢小曰汚竭盡也無日無日數也

若民離

而財匱災至而備亡王其若之何

備亡無救也

吾周官之

於災備也其所怠棄者多矣

周官周六官災備備災之法令

而又奪之

資以益其災是去其藏而翳其人也王其圖之

善政藏於民翳

猶屏也人民也奪其資民離叛是遠屏其民也一曰翳滅也

王弗聽卒鑄大錢

二十三年王將鑄無射而為之大林

景王二十三年魯昭之二十年賈侍

中云無射鍾名律中無射也大林無射之覆也作無射而為大林以覆之其律中林鐘也或說云鑄無射而以

林鐘之數益之昭謂下言細抑大陵又曰聽聲越
遠如此則賈言無射有覆近之矣唐尚書從賈單穆

公曰不可作重幣以絕民資又鑄大鐘以鮮其繼鮮寡也寡

其繼者用物過度妨於財也若積聚既喪又鮮其繼生何以殖積聚既喪

謂廢小錢生財也殖長也且夫鐘不過以動聲動聲謂合樂以金奏而八音從之若

無射有林耳不及也若無射復有大林以覆之無射陽聲之細者林鐘陰聲之大者細抑

大陵故耳不能聽及也夫鐘聲以為耳也耳所不及非鐘聲也非法

鐘之猶目所不見不可以為目也若目之精明所不能見亦不可以施目也

耳目所不能及而強之則有眩惑之失以生疾也夫目之察度也不過步武尺

寸之間

六尺為步賈君以半步為武

其察色也不過墨丈尋常之間

五尺為墨倍墨為丈八尺為尋倍尋為常

耳之察酥也在清濁之間

清濁律呂之變

也黃鐘為宮則濁大呂為角則清

其察清濁也不過一人之所勝

勝舉也

是故先王之制鐘也大不出鈞重不過石

鈞所以鈞音之法也以木

長七尺有弦繫之以為鈞法百二十斤為石

律度量衡於是乎生

律五聲陰陽之法也

度大尺也量斗斛也衡有斤兩之數生於黃鐘黃鐘之管容秬黍千二百粒粒百為銖是為一龠龠二為合合

重一兩故曰律度量衡於是乎生

小大器用於是乎出

出於鐘也易曰制器者尚其象

小謂錙銖分寸大謂斤兩丈尺

故聖人慎之今王作鐘也聽之弗及

不耳

及知其比之不度

不度不中鈞石之數

鐘聲不可以知

耳不能聽故不

可以知和

制度不可以出節

節謂法度量衡之節

無益於樂而鮮民財

將焉用之夫樂不過以聽耳而美不過以觀目若聽樂

而震觀美而眩患莫甚焉夫耳目心之樞機也

樞機發動也心

有所欲耳目為之發動

故必聽而視正聽而視聰視正則明

習於

和正則不眩惑也

聰則言聽明則德昭聽言昭德則能思慮純

固以言德於民民歆而德之則歸心焉

歆猶嘉服也言德以言發德教

上得民心以殖義方

殖立也方道也

是以作無不濟求無不獲

然則能樂夫耳內蘇聲而口出美言

耳聞和聲則口有美言此感於物也

以為憲令

憲法也

而布諸民正之以度量民以心力從之

不倦成事不貳樂之至也

貳變也

口內味而耳內聲聲味

生氣

口內五味則耳樂五聲則志氣生也

氣在口為言在目為明言

以信名

信審也名號令也

明以時動

視明則動得其時也

名以成政

號令所以

政動以殖生

殖長也動得其時所以財長生也

政成生殖樂之至也若

視聽不蘇而有震眩則味入不精不精則氣佚氣佚則

不蘇

不和無射大林也若聽樂而震視色而眩則味入不精美味入不精美則氣放佚不行於身體也

於是乎有狂悖之言有眩惑之明有轉易之名有過慝

之度

慝惡也此四者氣佚之所生也狂悖眩惑說子朝寵賔孟也轉易過惡嬖子配適將殺大臣也

出

令不信

有轉易也

刑政放紛動不順時民無據依不知所力

各有離心

不知所為盡力也

上失其民作則不濟求則不獲其

何以能樂三年之中而有離民之器二焉

二謂作大錢鑄大鐘也

國其危哉王弗聽問之伶州鳩

伶司樂官州鳩名也

對曰臣之守

官弗及也

守官所守之官也弗及弗及知也

臣聞之琴瑟尚宮

凡樂輕者從大

重者從細故

鍾尚羽

鍾聲大故尚羽

石尚角

石磬也輕於鍾故尚角角清濁之中

匏竹利制

匏笙也竹簫管也利制以聲音調利為制無所尚也

大不踰宮細不過

羽夫宮音之主也第以及羽

宮聲大故為主第次也

聖人保樂而

愛財財以備器樂以殖財

保安也備具也殖長也古者以樂省土風而紀農事故曰

樂以殖財也

故樂器重者從細

重謂金石也從細尚細聲謂鐘尚羽石尚角也輕者

從大

輕瓦絲也從大謂瓦絲尚宮也

是以金尚羽石尚角瓦絲尚宮匏

竹尚議

議議從其調利

革木一聲

革鼗鼓也木祝圉也一聲無清濁之變

夫政象

樂樂從龠龠從平

和八音克諧也平細大不踰也故可以平民樂和即諧政和即平也聲

以龠樂律以平聲

聲五聲以成八音而調樂也賈侍中云律黃鐘為宮林鐘為徵大簇為商

南呂為羽姑洗為角所以平五聲也金石以動之鐘石所以動發五聲絲竹以行之

弦管所詩以道之道已志也書曰詩言志歌以詠之詠詠詩也書曰歌永言聲

依匏以宣之宣發也瓦以贊之贊助也革木以節之物得其

常曰樂極物事也極中也極之所集曰聲集會也言中和之聲所會集曰正聲

應相保曰蘇保安也細大不踰曰平細大之聲不相踰越曰平今無射有大林

是不如是而鑄之金鑄金以為鐘也磨之石磨石以為磬也繫之絲木

繫絲木以越之匏竹越匏竹以為笙管越謂為之節也為琴瑟也越之匏竹孔也樂記曰朱弦而疏越節之

鼓節其長而行之以遂八風遂猶順也傳曰所以節八音而行八風也正西曰兌

為金為閭闔西北曰乾為石為不周正北曰坎為革為廣莫東北曰艮為匏為融風正東曰震為竹為明庶東南曰巽為木為清明正南曰離為於是乎氣無滯陰亦

無散陽滯積也積陰而發則夏有霜電散陰陽序次風

雨時至嘉生繁祉人民餘利物備而樂成上下不罷罷勞

也故曰樂正今細過其主妨於正細謂無射也主正也言無射有大林是作

細而大過其律妨於正聲用物過度妨於財過度用金多也正害財匱妨於

樂樂從和今正害財匱故妨於樂細抑大陵不容於耳非餘也細無射也大大

林也言大聲陵之細聲抑而不聞不容於耳耳不能容別也聽聲越遠非平也越迺也言

無射之聲為大林所陵聽之微細迺遠非平也妨正匱財聲不齎平非宗官之

所司也

宗官宗伯樂官屬焉

夫有齎平之聲則有著殖之財

樂以殖財

也於是乎道之以中德詠之以中音

中德中庸之德聲也中音中和之音

也德音不愆以合神人

合神人謂祭祀享宴也

神是以寧民是以

聽

聽從也

若夫匱財用罷民力以逞淫心

逞快也

聽之不齎

比之不度無益於教而離民怒神非臣之所聞也王不

聽卒鑄大鐘

財匱故民離樂不和故神怒也

二十四年鐘成伶人告齎

伶人樂人也景王二十四年魯昭二十一年

王謂伶州鳩曰鐘果齎矣對曰

未可知也

州鳩以為鐘實不和伶人楮王謂之和耳故曰未可知也

王曰何故對曰

上作器民備樂之則為鈸

言聲音之道與政通也

今財亡民罷莫

不怨恨臣不知其鈸也

亂世之音怨以怒故曰不知其和也

且民所曹好

鮮其不濟也

曹羣也

其所曹惡鮮其不廢也故諺曰衆心

成城

衆心所好莫之能敗其固如城也

衆口鑠金

鑠銷也衆口所毀雖金石猶可消之也

今三年之中而害金再興焉

害金害民之謂錢鐘也

懼一之廢也

二金之中其一必廢

王曰爾老耄矣何知

八十曰耄耄昏惑也

二十五年王

崩鐘不鈸

崩而言鐘不和者明樂人之諛

王將鑄無射

王景王也

問律於伶州鳩

律鐘律也

對曰律所以立

均出度也

律謂六律六呂也

陽為律陰為呂六律黃鐘

夾鐘大呂應鐘南呂也均者均鐘木長七尺有弦繫

古

之神瞽考中聲而量之以制

神瞽古樂正知天道者也

死而為樂祖祭於瞽宗謂

之聲而量度之以制樂也

度律均鐘百官軌儀

均平也軌道也

儀法也度律度律呂之長短以平其鐘和其聲以

紀之

以三

三天地人也古者紀聲合樂以舞

平之以六

平之

律也上章曰律以平聲

成於十二

十二律呂也陰陽相扶助律取妻呂生子上下相生之數備也

天之道也

天之大數不過十二

夫六中之色也故名之曰黃鐘

十一

月曰黃鐘乾初九也。六者天地之中。天有六氣降生五味。天有六甲地有五子十一而天地畢矣。而六為中故

六律六呂而成天道。黃鐘初九六律之首。故以六律正色為黃鐘之名。重元正始之義也。黃鐘陽之變也。管長

九寸徑三分圍九分律長九寸因而九之九九八十一故黃鐘之數立焉為宮法云九分之六得林鐘初六六

呂之首陰之變管長六寸六月之律坤之始也。故九六陰陽夫婦子母之道是以初九為黃鐘。黃中之色也。鐘

之言陽氣鍾聚於下也

所以宣養六氣九德也

宣偏也。六氣陰陽風雨晦明也。九德

九功之德水火金木土穀正德利用厚生也。十一月陽伏於下物始萌於五聲為宮含元處中所以偏養六氣

九德之本

由是第之

由從也。第次也。次奇月也

二曰大簇

正月曰大簇。九二也。管長八

寸法云九分之八大簇也。所以金奏贊陽出滯也。贊佐也。言陽氣大簇達於上也。賈唐云

大簇正聲為商故為金奏所以佐陽發。三曰姑洗所以出滯伏也。明堂月令曰正月蟄蟲始震。

修潔百物考神納賓也。

三月曰姑洗乾九三也。管長七寸一分律長七寸九分寸之一。

姑潔也。洗濯也。考合也。言陽氣養生洗濯枯穢改柯易葉也。於正聲為角是月百物修潔故用之。宗廟合致神人用之享宴。四曰蕤賓所以安靖神人獻酬交酢也。月可以納賓也。

曰蕤賓乾九四也。管長六寸三分律長六寸八十一分寸之二十六。蕤委蕤柔貌也。言陰氣為主委蕤於下。陽氣盛長於上有似於賓主故可用之。宗廟賓客以安靜神人行酬酢也。酬勸也。酢報也。五曰夷則

所以詠歌九則平民無貳也。

七月曰夷則乾九五也。管長五寸六分律長五寸七

百二十九分寸之四百五十一夷平也則法也言萬物既成可法則也故可以詠歌九功之則成民之志使無疑貳也
六曰無射所以宣布哲人之令德示民軌儀也九月

曰無射乾上九也管長四寸九分律長四寸六千五百六十一分寸之六千五百二十四宣偏也軌道也儀法

也九月陽氣上升陰氣收藏萬物無射見者故可以徧布前哲之令德示民道法也**為之六間以**

揚沈伏而黜散越也六間六呂在陽律之間沈滯也黜去也越揚也呂陰律所以侶間陽

律成其功發揚滯伏之氣而去散越者也伏則不宣散則不和陰陽序次風雨時至所以生物也**元間**

大呂助宣物也十二月曰大呂坤六四也管長八寸八分法云三分之二四寸二百四十三分

寸之五十二倍之為八寸分寸之一百四下生律元一也陰繫於陽以黃鐘為主故曰元間以陽為首不名其

初臣歸功於上之義也大呂助陽宣散物也天氣始於黃鐘萌而赤地受之於大呂牙而白成黃鐘之功也

二間夾鐘出四隙之細也

二月曰夾鐘坤六五也管長七寸四分律長三寸二千一

百八十七分寸之一千六百三十一倍之為七寸分寸之千七十五隙間也夾鐘助陽鍾聚也細微也四隙四時之間氣微細者春為陽中萬物始生四時之微氣皆始於春春發而出也三時奉而成之故夾鐘出四時之微氣也

三間中呂宣中氣也

四月曰中呂坤上六也管長六寸六分律長三寸萬九千

六百八十三分寸之六千四百八十七倍之為六寸分寸之萬二千九百七十四陽氣起於中至四月宣散於外純乾用事陰閉藏於內所以助陽成功也故曰正月正月正陽之月也

四間林鐘和展百

事俾莫不任肅純恪也

六月曰林鐘坤初六也管長六寸律長六寸林衆也言萬物衆

盛也鍾聚也於正聲為徵展審也俾使也肅速也純大也恪敬也言時務和審百事無有偽詐使之莫不任其職事速其功

五間南呂贊陽秀也

八月曰南呂坤六二也管長五寸三分律

長五寸三分寸之一榮而不實曰秀南六間應鐘均利任也陰任陽事助成萬物也贊佐也

器用俾應復也

十月曰應鐘坤六三也管長四寸七分律長四寸二十七分寸之二十言陰應

陽用事萬物鍾聚百嘉具備時務均利百官器用程度庶品使皆應其禮復其常也月令孟冬命工師效功陳祭器案程度無或詐偽淫

律呂不易無姦物也

律呂不變易其

常各順其時則神無姦行物無害生

細鈞有鐘無鐸昭其大也

細細聲謂角徵羽也

鈞調也鐘大鐘鐸小鐘也昭明也有鐘無鐸為兩細不相和故以鐘為節節明其大者以大平細

大鈞

有鑄無鐘

大謂宮商也舉宮商而但有鑄無鐘為

兩大不相和故去鐘而用鑄以小平大

無鑄鳴其細也

甚大謂同尚大聲也則又去鑄獨鳴其細細謂絲竹草木

大昭小鳴

蘇之道也

大聲昭小聲

蘇平則久

久可久

久固則純

固

也可久則安安則純也

純明則終

終成也書曰

終復則

樂

終復終則

所以成政也

言政象

故先王貴之

貴其和平可以

移風易俗

王曰七律者何

周有七音王問七音之律意謂七律為音器用黃鐘為宮大簇為商

姑洗為角林鐘為徵南呂為羽應鐘為變宮蕤賓為變徵

對曰昔武王代殷歲在鶉

火歲歲星也鶉火次名周分野也從柳九度至張十七度為鶉火謂武王始發師東行時殷之十一月二十

八日戊子於夏為十月是時月在天駟天駟房星也謂

歲星在張十三度張鶉火也月在天駟戊子日月宿房

五日在析木之津津天漢也析木次名從尾十度至斗

度十一度為析木其間為漢津謂戊子

日日宿辰在斗柄辰日月之會斗柄斗前也謂戊子後

箕七度辰在斗柄三日得周正月辛卯朔於殷為十二

月月夏為十一月是日星在天龜星辰星也天龜次名一

月月合辰斗前一度危十五度為天龜謂周正月辛卯朔二日壬辰辰星始

見三日癸巳武王發行二十八日戊午渡孟津距戊子三十一日二十九日己未晦冬星與日辰之位皆在北

至辰星在須女伏天龜之首星與日辰之位皆在北

維星辰星辰星在須女日在析木之津辰顓頊之所建

也在斗柄故皆在北維北維北方水位也顓頊之所建

也帝嚳受之建立也顓頊帝嚳所代也帝嚳周之先祖

后稷所出也禮祭法曰周人禘嚳而郊稷

顓頊水德之王立於北方帝嚳木德故受之於水
今周亦木德當受殷之水猶帝嚳之受顓頊也
我姬

氏出自天龜

姬氏周姓天龜即玄扈齊之分野也周之皇妣王季之母大姜者逢伯陵之後齊女

也故言出於天龜傳曰有逢伯陵因之蒲姑氏因之而後太公因之又曰有星出於須女姜氏任氏實守其地

及析木者有建星及牽牛焉

從斗一度至十一度分屬析木日辰所在也建星在

牽牛間謂從辰星所在須女天龜之首至析木之分歷建星及牽牛皆水宿言得水類也則我皇妣

大姜之姪伯陵之後逢公之所馮神也

皇君也生曰母死曰妣大姜大

王之妃王季之母姜女也女子謂昆弟之子男女皆曰姪伯陵大姜之祖有逢伯陵也逢公伯陵之後大姜之姪殷之諸侯封於齊地齊地屬天龜故祀天龜死而配食為其神主故云馮馮依也言天龜乃皇妣家之所馮

依非但合於水木相承而已又我實出歲之所在則我於水家周道起於大王故本於大姜

有周之分野也

歲星在鶉火鶉火周之分野歲星所在利以伐人

月之所在辰

馬農祥也

辰馬謂房心星也心星所在大辰之次為天駟馬也故曰辰馬言月在房合於農祥也

祥猶象也房星農正而農事起故謂之農祥

我太祖后稷之所經緯也

百穀播

故農祥后稷之所經緯也晉語曰辰以成善后稷是相

王欲合是五位三所而用

之王武王也五位歲月日星辰也三所逢

自鶉及馬七

列也

鶉鶉火之分張十三度駟天駟房五度歲月之所從張至房七列合七宿謂張翼軫角亢氐房之

位南北之揆七同也

七同合七律也揆度也歲在鶉火午辰星在天鼇子鶉火周分野天

龜及辰水星周所出自
午至子其度七同也
凡神人以數合之以聲昭之凡

合神人之樂也以數合之謂取
其七也以聲昭之用律調音也
數合聲秣然後可同也

同謂神
人相應故以七同其數而以律秣其聲於是乎有七律

七同其數謂七列七同七律也
律和其聲律有陰陽正變之聲
王以二月癸亥夜陳未

畢而雨
二月周二月四日癸亥至牧野之日夜陳師以
陳師未畢而雨雨天地神人叶同之應也

夷則之上宮畢之
夷平也則法也夷則所以平民無貳
也上宮以夷則為宮聲夷則上宮也

故以畢陳周禮大師執同律以聽軍聲
而詔吉凶一曰陽氣在上故曰上宮
當辰辰在戌上

故長夷則之上宮名之曰羽
長謂先用之也辰時也辰
日月之會斗柄也當初陳

之時周二月昏斗建丑而斗柄在戌上所以藩屏民則下臨其時名其樂為羽羽翼其衆也

也屏蔽也羽之義取能藩蔽民使中法則也王以黃鐘之下宮布戎于牧之

野布戎陳兵也謂夜陳之晨旦甲子昧真左杖黃鉞右秉白旄時也黃鐘所以宣養氣德使皆自勉尚桓桓

也黃鐘在下故謂之厲所以厲六師也名此樂為厲者故曰下宮

也以大族之下宮布令于商昭顯文德底紂之多臯商紂

都也文文王也底致也既殺紂入商之都發號施令以昭明文王之德致紂之多臯大族所以贊陽出滯蓋謂

釋箕子之囚散鹿臺之財發巨橋之粟也大族在下故曰下宮故謂之宣所以宣三王

之德也三王大王王季文王也反及羸內以無射之上宮布憲施

舍於百姓

嬴內地名憲法也施施惠舍舍臯也無射所以宣布哲人之令德示民軌儀無射在上故

曰上

故謂之嬴亂所以優柔容民也

亂治也柔安也

景王既殺下門子

下門子周大夫王子猛之傳也景王無適子既立子猛又欲立王子朝故

先殺子猛傳下門子也

賓孟適郊見雄雞自斲其尾

賓孟周大夫子朝之傳賓

起問之侍者曰憚其犧也

侍者孟之從臣也憚懼也純美為犧祭祀所用言雞自斲

其尾者懼為宗廟所用也

遽歸告王

遽猶疾也賓孟有寵於王欲立王子朝王將許之故先殺下門

子賓孟知意故感犧之美念及子朝疾歸語王勸立之

曰吾見雄雞自斲其尾而

人曰憚其犧也吾以為信畜矣

信誠也雞畏為宗廟之用故自斲其尾此誠六

畜之情不與人同人犧實難已犧何害人犧謂難也為人作犧實難言將見殺也已謂

子朝已自為犧當何害乎人君冕服有似於犧故以喻焉抑其惡為人用也乎則可

也言難惡為人所用故自斷其尾可也自可爾也人異於是異於難也人之美則宜君人事宗廟

也犧者實用人也用人猶治也人自作犧則能治人王弗應弗應者曉其意畏大

也臣田于鞏鞏北山今河南鞏縣也使公卿皆從將殺單子未克而

崩單子單穆公也克能也王欲廢子猛更立子朝恐其不從故欲殺之遇心疾而崩故未能也在魯昭二十

年二

敬王十年劉文公與萇弘欲城成周為之告晉敬王景王之子

悼王之弟敬王丐也十年魯昭三十二年劉文公王卿士劉摯之子文公卷也萇弘周大夫萇叔也欲城成周

者欲城成周之城也成周在澠水東王城在澠水西初王子朝作亂於魯昭二十三年夏王子朝入于王城敬

王如劉秋敬王居于翟泉翟泉成周之城周墓所在也魯昭二十六年四月敬王師敗出居于滑十月晉人救

之王入于成周子朝奔楚子朝既奔其餘黨儋扁之徒多在王城敬王畏之於是晉徵諸侯戍周月彼煩勞故

萇弘欲城成周使富新石張為主如晉請城成周也魏獻子為政獻子晉正卿魏

說萇弘而與之說好萇弘從其求也將合諸侯合諸侯以城周衛彪侯適

周聞之彪侯衛大夫也見單穆公曰萇劉其不沒乎沒終也周詩

有之曰天之所支不可壞也周詩飲時所歌支柱也其所壞亦不

可支也昔武王克殷而作此詩也以為飮歌名之曰支

以遺後之人使永監焉

監觀也

夫禮之立成者為飮

立成立行

禮不坐也

昭明大節而已少典與焉

節禮也典章也與類也言飮禮所以教民敬戒

昭明大體而已故其詩樂少章典威儀少比類也

是以為之日惕其欲教民戒

也

惕懼也是以日自恐懼欲民知戒慎也

然則夫支之所道者必盡知天

地之為也

知天地之為謂所支壞也

不然不足以遺後之人今萇劉

欲支天之所壞不亦難乎自幽王而天奪之明使迷亂

棄德而即愒淫

即就也愒慢也

以亡其百姓其壞之也久矣而

又將補之殆不可矣

也殆近

水火之所犯

也犯害

猶不可救

而况天乎諺曰從善如登從惡如崩

如登喻難如崩喻易

昔孔甲

亂夏四世而殞

孔甲禹後十四世也亂夏亂禹之法四世孔甲至桀四世而亡

玄王勤

商十有四世而興

玄王契也殷祖契由玄鳥而生湯亦水德故云玄王勤者勤身修德以興

其國也自契至湯十四世而有天下言其難也

帝甲亂之七世而殞

帝甲湯後二十五世

也亂湯之法至紂七世而亡

后稷勤周十有五世而興

自后稷至文王十五世也

幽王亂之十有四世

自幽王至今敬王十四世也

守府之謂多胡可

興也

胡何也夏殷之亂或四世或七世而亡今周十有四世而無德以救之雖未亡得守府藏天祿已多

矣又何可興也夫周高山廣川大藪也故能生之良材言周之道德禮

法所以長育賢材猶天之有山川大藪良材之所生也而幽王蕩以為魁陵冀土

溝瀆其有悛乎蕩壞也小阜曰魁悛止也言幽王敗亂周之法度猶壞毀高山以為魁陵冀土

殘絕川藪以為溝瀆無有悛止之時單子曰其咎孰多謂長曰長叔必速

及夫將以道補者也長叔長弘字也速及速及於咎也以道補者欲以天道補人事夫

天道導可而省否導達也省去也長叔反是以誑劉子誑惑也必

有三殃違天一也支所壞反道二也以天道補人事誑人三也惑劉

也子周若無咎長叔必為戮雖晉魏子魏獻子也亦將及焉及咎

之若得天福其當身乎當其身禍尚微後若劉氏則必

子孫實有禍殃及子孫夫子而棄常法以從其私欲棄常法不修周

法也從私欲用巧變以崇天灾巧變者見周滅於西都平王東遷以獲久長故

今欲復遷也崇猶益也勤百姓以為己名其殃大矣勤勞也名功也是歲

也魏獻子合諸侯之大夫於翟泉是歲敬王十一年魯定之元年遂田

于大陸焚而死田以火田也大陸晉藪及范中之難長弘與之

晉人以為討二十八年殺長弘范中行晉大夫范吉射中行寅也作難叛其君

初劉氏范氏世為婚姻長弘事劉文公故周人與范氏敬王二十八年魯哀三年晉人以讓周周為之殺長弘

及定王劉氏亡

劉氏文公之子孫也定亦當為貞

國語卷三

欽定四庫全書

國語卷四

吳韋昭注

魯語上

長勺之役曹劌問所以戰於莊公

長勺魯地也曹劌魯人也莊公魯桓公之

子莊公同也初齊襄公立其政無常鮑叔牙曰君使民慢亂將作矣奉公子小白奔莒魯莊八年齊無知殺襄公管夷吾召忽奉公子糾奔魯九年夏莊公伐齊納子糾小白自莒先入與莊公戰于乾時公敗績故十年齊與師伐魯
公曰余不愛衣食於民

有惠賜也

不愛牲玉於神

牲犧牲玉圭璧所以祭祀也
詩曰靡愛斯牲圭璧既卒
對曰夫惠本而後民歸之

志惠本謂樹德施利也
歸之志志歸於上
民和而後神降之福降下也
神之主故

民和神乃降福
若布德于民而平均其政事君子務治而小人

務力動不違時器不過用不過用禮
財用不匱莫不共祀無

共祀非獨已也
是以用民無不聽求福無不豐今將惠以小賜

祀以獨恭小賜臨戰之賜獨恭一身之恭也
小賜不咸獨恭不優咸徧也優

也裕也
不咸民弗歸也不優神弗福也將何以戰夫民求不

匱於財而神求優裕於享者也
裕饒也享食也民和年豐為優裕
故不

可以不本

本先利民莫不共祀

公曰余聽獄雖不能察必以情斷

之

獄訟也

對曰是則可矣

可者未大備可以一戰傳曰齊師敗績

夫苟中心

圖民智雖不及必將至焉

苟誠也言誠以中心圖慮民事其智雖有所不及必將至

於道也

莊公如齊觀社

莊公二十三年齊因祀社菟軍實以示客公往觀之

曹劌諫曰不

可夫禮所以正民也是故先王制諸侯使五年四王一

相朝也

賈侍中云王謂王事天子也歲聘以志業間朝以講禮五年之間四聘於王而一相朝者將朝

天子先相朝也唐尚書云先王謂堯也五載一巡守諸侯四朝昭謂以堯典相參義亦似之然此欲以禮正君

宜用周制周禮中國凡五服遠者五歲而朝禮記曰諸侯之於天子也此年一小聘三年一大聘五年一朝謂

此也晉文公霸時亦取於此禮終則講於會以正班爵之義終畢也講習也班次

也謂朝畢則習禮於會以正爵位次序尊卑之義帥長幼之序訓上下之則循帥

也制財用之節謂收伯差國大使受職貢也其間無由荒怠其間朝會之間

夫齊棄太公之法而觀民於社太公齊始祖君為是舉

也舉動而往觀之非故業也業事也何以訓民土發而社助

時也土發春分也周語曰土乃脉發社者助時求福為農始也收擯而烝納要也擯拾

也冬祭曰烝因祭社以納五穀之要休農夫也月令曰孟冬祀于天宗大祀公社及門閭今齊社而

往觀旅非先王之訓也

也旅衆

天子祀上帝

上帝天也

諸侯會

之受命焉

助祭受政命也

諸侯祀先王先公

先王謂若宋祖帝乙鄭祖厲王之屬

也先公先君也

卿大夫佐之受事焉

事職也

臣不聞諸侯之相會

祀也祀又不法

不法謂觀民也

君舉必書

動則左史書之言則右史書之

書而

不法後嗣何觀公不聽遂如齊

莊公丹桓宮之楹而刻其桷

桓宮桓公廟也楹柱也唐云桷棟頭也昭謂桷一名

椽今北土云亦然爾雅曰桷謂之椽莊公娶于齊 匠師曰哀姜哀姜將至當見於廟故丹柱刻椽以夸之

慶言於公

匠師慶掌匠大夫禦孫之名也

曰臣聞聖王公之先封者

謂若

湯武周公遺後之人法使無陷於惡其為後世昭前之令

聞也

為猶使也

使長監於世

監觀也觀世成敗以為戒也

故能攝固不解

以久

攝持也

今先君儉而君侈之

先君桓公

令德替矣

替減也

公

曰吾屬欲美之

屬適也適欲自美之非先君意也

對曰無益於君而替

前之令德臣故曰庶可以已乎

已止也

公弗聽

哀姜至公使大夫宗婦覲用幣

宗婦同宗大夫之婦也親見也見夫人也用幣

言與大夫同贊宗人夏父展曰非故也

宗人宗伯也夏父氏也展名也宗伯主男女贊

幣之禮故事也

公曰君作故

言君所作則為故事

對曰君作而順則故

之順順於禮則書以為故事逆則亦書其逆也臣從有司懼逆之書

於後也故不敢不告從有司言備位隨從有司後行也夫婦贄不過棗

栗以告虔也棗取蚤起栗取敬栗虔敬也曲禮曰婦人之贄脯修棗栗男則玉帛禽

鳥以章物也謂公執桓圭侯執信圭伯執躬圭子執穀璧男執蒲璧孤執皮帛御執羔大夫執鴈

士執雉庶人執鶩工商執雞也章明也明尊卑異物也今婦執幣是男女無別也

男女之別國之大節也不可無也公弗聽

魯饑臧文仲言於莊公魯饑在莊公二十八年文仲魯御臧哀伯之孫伯氏鞅之子臧

孫辰曰夫為四鄰之援援所攀援以為助也結諸侯之信重之以

婚姻申之以盟誓申重也固國之艱急是為艱難艱難也是為難急也

鑄名器名器鐘鼎也藏寶財寶財玉帛也固民之珍病是待珍絕也病

饑也今國病矣君盍以名器請糴于齊盍何不也市穀曰糴公曰誰

使對曰國有饑饉卿出告糴古之制也告請也辰也備卿

辰請如齊公使往從者曰君不命吾子吾子請之其為

選事乎選事自選擇其職事也文仲曰賢者急病而讓夷夷平也居

官者當事不避難在位者恤民之患是以國家無違無相

違狠者今我不如齊非急病也在上不恤下居官而惰非

事君也文仲以鬯圭與玉磬如齊告糴

鬯圭裸鬯之圭長尺二寸有瓚

以祀廟玉磬鳴瓚也

曰天灾流行戾于敝邑饑饉荐降民羸幾卒

戾至也荐重也降下也羸病也幾近也卒盡也

大懼殄周公大公之命祀

賈唐二君

云周公為大宰大公為大師皆掌命諸侯之國所當祀也或云命祀謂命祀二公也昭謂傳曰衛成公祀夏后相甯武子曰不可以間成王周公之命祀職貢如此賈唐得之職貢業事之不共而獲

戾

戾罪也

不腆先君之敝器

腆厚也

敢告滯積以紓執事

滯久

也紓緩也執事齊有司也殺久積則當朽敗執事所憂也請之所以緩執事

以救敝邑使能

共職豈唯寡君與二三臣實受君賜其周公大公及百

辟神祇實永饗而賴之

辟君也賴蒙也天曰神地曰祇百辟謂百君卿士有益於民者

齊人歸其玉而予之糴

齊孝公來伐

孝公齊桓公之子孝公昭也魯僖公叛齊與衛莒盟于洮又盟于向故孝公伐魯討

此二

臧文仲欲以辭告

欲以文辭告謝齊也

病焉

病不能為辭也

問於展

禽

展禽魯大夫展無駭之後柳下惠也字季禽

對曰獲聞之處大教小處小

事大所以禦亂也不聞以辭

獲展禽之名也禦止也

若為小而崇

以怒大國

崇高也謂自高大不事大國

使加已亂亂在前矣

亂惡辭也

其何益文仲曰國急矣百物唯其可者將無不趨也

百物

之中可用行賂將無願以子之辭行賂焉其可乎展禽不趨言無所愛也

使乙喜以膏沐犒師

乙喜魯大夫展喜也犒勞也以膏沐為禮欲以義服齊明不以賂免

曰寡君不佞

佞才也

不能事疆場之司

司主也主疆場吏也不能事故搆我

也使君盛怒以暴露於敝邑之野敢告輿師

輿師衆也

齊侯

見使者曰魯國恐乎

使者乙喜也

對曰小人恐矣君子則不

公曰室如懸磬野無青草何恃而不恐

懸磬言魯府藏空虛但有榱梁

如懸磬也野無青草早其也故言何恃

對曰恃二先君之所職業昔者成

王命我先君周文公及齊先君大公曰女股肱周室以

夾輔先王

先王武王也

賜女土地質之以犧牲世世子孫無

相害也

質信也謂使之盟以信其約

今君來討敝邑之罪其亦使聽

從而釋之

釋置也

必不泯其社稷

泯滅也

豈其貪壤地而棄

先王之命其何以鎮撫諸侯恃此以不恐齊侯乃許為

平而還

平和也

溫之會

溫之會晉文公討不服在魯僖二十八年

晉人執衛成公歸之于周

成公恃楚而不事晉又殺弟叔武其臣使醫鳩之不死

元咺訴之晉故文公執之事見周語中使醫鳩之不死
鳩鳥名也一名運日其羽有毒漬之酒而飲之立死傳
曰晉侯使醫衍鳩衛侯甯俞貨醫使薄其鳩不死在魯

僖三 年 醫亦不誅 不誅醫者諱以私行毒也 臧文仲言於僖公 僖公莊公之子

僖公 申也 曰夫衛君殆無罪矣刑五而已無有隱者隱乃諱

也 隱謂也 大刑用甲兵 賈侍中云謂諸侯不式王命則以六師移之昭謂甲兵謂臣有大逆

則被甲聚兵而誅 之若今陳軍也 其次用斧鉞 斧鉞軍戮也書曰後至者斬 中刑用

刀鋸 割劓用刀斷截用鋸亦有 其次用鑕 鑕斨刑也

薄刑用鞭扑以威民也 鞭官刑也 故大者陳之原野 謂甲

兵斧 鉞也 小者致之市朝 刀鋸以下也其死刑大夫以 五刑

三次是無隱也 五刑甲兵斧鉞刀鋸鑕斧鞭 今晉人鳩

衛侯不死亦不討其使者

使者
醫行

諱而惡殺之也

諱殺
衛侯也

有諸侯之請必免之臣聞之班相恤也故能有親

班次
也恤

憂也言位次同
者當相憂也

夫諸侯之患諸侯恤之所以訓民也

訓教

也教相
救恤也

君盍請衛君以示親於諸侯且以動晉

動發
晉侯之志

夫晉新得諸侯

新為
伯也

使亦曰魯不棄其親其亦不可以

惡

不可以惡亦不
可以惡魯也

公說行玉二十鼓乃免衛侯

雙玉曰
鼓傳曰

納玉於王及晉侯
皆十鼓王許之

自是晉聘于魯加於諸侯一等

貴其
義也

爵同則厚其好貨

爵與魯同者
特厚其好貨

衛侯聞其臧文仲之為

也使納賂焉辭曰外臣之言不越境不敢及君

言臣不外交也

晉文公解曹地以分諸侯

解削也晉文公誅無禮曹人不服伐而執其君削其地以

分諸侯事在魯僖三十一

年取濟西之田僖公使臧文仲往宿於重館

重魯地館

候館也周禮五十里有市市有候館

重館人告曰晉始伯而欲固諸侯

守人

館之隸也固猶安也

故解有罪之地以分諸侯

有罪謂不禮文公觀駢脅也

諸

侯莫不望分而欲親晉皆將爭先晉不以故班

班次也亦

必親先者吾子不可以不速行魯之班長而又先

長猶尊也

先也諸侯其誰望之

誰敢望與魯為比也

若少安恐無及也從之

獲地於諸侯為多反既復命為之請曰地之多也重館

人之力也臣聞之曰善有章雖賤賞也

章著也

惡有釁雖

貴罰也

釁孔也

今一言而辟境其章大矣

辟開也

請賞之乃

出而爵之

出出之於隸爵爵為大夫

海鳥曰爰居止於魯東門之外三日

爰居雜縣也東門城東門也臧

文仲使國人祭之

文仲不知以為神也

展禽曰越哉臧孫之為政

也

越迂也言其迂潤不知政要

夫祀國之大節也

節制也

而節政之所

成也

言節所成也

故慎制祀以為國典

典法也

今無故而加典

非政之宜也

加益也謂以祭鳥益國法也

夫聖王之制祀也法施於

民則祀之

謂五帝殷契周文也

以死勤事則祀之

殷冥水死周以棄山死是也

勞定國則祀之

虞幕夏杼殷上甲微周高圉大王也

能禦大災則祀之

夏禹

是能扞大患則祀之

殷湯周武是也

非是族也不在祀典

族類也

昔烈山氏之有天下也

烈山氏炎帝之號也起於烈山祭法以烈山為厲山

其子

曰柱能殖百穀百蔬

柱為后稷自夏上祀之草實曰蔬

夏之興也周棄

繼之故祀以為稷

夏之興謂禹也棄能繼柱之功自商以來祀之

共工氏之伯

九有也

共工氏伯者在戲農之間有域也

其子曰后土能平九土

其子共工

之裔子句龍也佐黃帝為土官九土九故祀以為社

土之神也黃帝能成命百物以明民共財黃帝少典之裔子帝軒轅也命名也

顓頊能修之顓頊黃帝之孫昌意之子高陽也能修修黃帝之功帝嚳能序三

辰以固民固安也帝嚳黃帝之曾孫玄囂之孫蟠極之子帝高辛也三辰日月星也謂能次序三辰

以治歷明時教民稼穡以安之堯能單均刑法以儀民堯帝嚳之庶子陶唐氏放勳也

單盡也均平也儀善也舜勤民事而野死舜顓頊之後六世有虞帝重華也野死謂征有

苗死於蒼梧之野鯀鄣洪水而殛死殛誅也鯀顓頊之後禹之父也堯使治水鄣防百川

績用不成堯用殛之于羽山禹能以德修鯀之功為天子而郊之取其勤事而死

雖不成禹亦有所契為司徒而民輯契殷之祖為堯司徒能敬敷五教輯

和冥勤其官而水死冥契後六世孫根園之子也為湯夏水官勤於其職而死於水

以寬治民而除其邪湯冥後九世主癸之子為夏諸侯以寬得民除其邪謂放桀扞大患

也稷勤百穀而山死稷周棄也勤播百穀死於黑水之山毛詩傳云文王以文

昭文王演易又有文德周語曰文王質文武王去民之穢穢謂紂也故有虞氏

禘黃帝而祖顓頊郊堯而宗舜賈侍中云有虞氏舜後在夏殷為二王後故有

禘郊宗祖之禮也昭謂此上四者謂祭天以配食也祭昊天於圜丘曰禘祭五帝於明堂曰祖宗祭上帝於南

郊曰郊有虞氏出自黃帝顓頊之後故禘黃帝而祖顓頊舜受禪於堯故郊堯禮祭法有虞氏郊嘗而宗堯與

此異者舜在時則宗堯舜
崩而子孫宗舜故郊堯耳

夏后氏禘黃帝而祖顓頊郊

鯀而宗禹

虞夏俱黃帝顓頊之後也故禘祖之禮同
虞以上尚德夏以下親親故夏郊鯀也

商

人禘舜而祖契郊冥而宗湯

舜當為嚳字之誤也禮祭
法曰商人禘嚳契父商

之先故禘之鄭後司
農云商人宜郊契也

周人禘嚳而郊稷

嚳稷之父稷
周始祖也

祖

文王而宗武王

此與孝經異者商家祖契周公初時亦
祖后稷而宗文王至武王雖承文王之

業有伐紂定天下之功其廟不可以毀故先
推后稷以配天而後更祖文王而宗武王

幕能帥顓

頊者也有虞氏報焉

幕舜之後虞思也為夏諸侯帥循
也顓頊有虞氏之祖也報報德之

也祭杼能帥禹者也夏后氏報焉

杼禹後七世少康之子
季杼也能興夏道者

上甲微能帥契者也商人報焉

上甲微契後世湯之先也

高圉大

王能帥稷者也周人報焉

高圉后稷後十世公非之子也大王高圉之曾孫古公亶

父凡禘郊宗祖報此五者國之典祀也

典法也

加之以社

稷山川之神皆有功烈於民者也及前哲令德之人所

以為明質也

質信也以其有德於民而祭之所以信之於民心

及天之三辰民

所以瞻仰也及地之五行所以生殖也

殖長也五行五祀金木水火土

及九州名山川澤所以出財用也

謂九州之中名山川澤也非是不

在祀典今海鳥至已不知而祀之以為國典難以為仁

且知矣夫仁者講功

講論也仁者心平故可論功也

而知者處物

處名也

無功而祀之非仁也

言鳥無功

不知而不能問非知也今茲

海其有灾乎夫廣川之鳥獸恒知而避其灾也是歲也

海多大風冬煥

爰居之所避也

文仲聞柳下季之言

柳下展禽之邑季字

也曰信吾過也季子之言不可不法也使書以為三策

策簡書也三策三御御一通謂司馬司徒司空也

文公欲弛孟文子之宅

文公魯僖公之子文公興也弛毀也孟文子魯大夫公孫敖之

子文伯穀也宅有司所居公欲毀之以益宮

使謂之曰吾欲利子於外之寬

者於外寬地以利子也對曰夫位政之建也建立也此位謂爵也言爵所以立政事

署位之表也署者位之表識也車服表之章也車服貴賤有等所以自章別也

宅章之次也有章服者之次舍也祿次之食也居次舍者之所食也君議五

者以建政為不易之故也五謂位署服宅祿也有其位則治其官服其章居其次食

其祿也君議五者以立政事為不可改易今有司來命易臣之署與其車服

而曰將易而次為寬利也下而而汝也為欲寬利汝也夫署所以朝

夕虔君命也言朝夕者不宜遠也臣立先臣之署服其車服為利

故而易其次先臣父祖之官是辱君命也不敢聞命言臣不守先臣之職

而欲寬利則是辱命之臣也

若罪也則請納祿與車服而違署

納歸也祿

田邑也違去也若臣有罪則請歸祿與車服而去其官也

唯里人之所命次

里人里宰也有

罪去位則當受舍於里宰

公弗取臧文仲聞之曰孟孫善守矣

善守善守

職其可以蓋穆伯而守其後於魯乎

穆伯文子之父公孫教也淫乎莒出

奔而死於齊今文子守官不失禮故可以掩蓋其父之惡守其後嗣也

公欲弛郈敬子之

宅亦如之

公文公也郈敬子魯大夫郈惠伯之後玄孫敬伯同也亦如之者亦謂之欲利子於外之

寬地對曰先臣惠伯以命於司里

言先臣惠伯受命於司里居此宅也嘗禘

烝享之所致君胙者有數矣

秋祭曰嘗夏祭曰禘冬祭曰烝春祭曰享享獻物也

賈唐二君云臣祭致肉於君謂之致胙昭謂此私祭而致肉非所以為辭也致君胙者謂君祭祀賜胙臣下掌致之也有數出入受事之幣以致君命者亦有數矣入

謂受使出境入國奉聘幣以今命臣更次於外次舍也致君命者亦於此宅世數矣

也為有司之以班命事也無乃違乎

違遠也言有司以位次命職事於臣

臣在外次無乃請從司徒以班徒次公亦弗取司徒掌違遠而不便乎請從司徒徒里舍也政比夫家衆寡之官也敬子自以有罪君欲黜之故請從司徒徒里舍也

夏父弗忌為宗

弗忌魯大夫夏父展之後也宗宗伯掌國祭祀之禮 烝將躋僖公

躋升也賈侍中云烝進也謂夏父弗忌進言於公將升僖公於閔公上也唐尚書云烝祭也昭謂此魯文公三

年喪畢禘祭先君於太廟升羣廟之主序昭穆之時也
經曰八月丁卯大事於太廟躋僖公是也僖閔之兄繼

閔而立凡祭秋曰嘗冬曰烝此八月而言烝用烝禮也
凡四時之祭烝為備傳曰大事者禘祭也毀廟之主陳

于太祖未毀廟之主皆升合食于太祖
躋僖公逆祀也逆祀者先禰而後祖也
宗有司曰非昭

穆也
宗有司宗官司事臣也非昭穆謂非昭穆之次也
父為昭子為穆僖為閔臣臣子一例而升閔上故

曰非昭
穆也
曰我為宗伯明者為昭其次為穆何常之有
明言

僖有明德當為昭
閔次之當為穆也
有司曰夫宗廟之有昭穆也以次世

之長幼而等胄之親疏也
長幼先後也等
齊也胄裔也
夫祀昭孝也

昭明也明
孝道也
各致齊敬於其皇祖昭孝之至也
皇大故工

史書世

工瞽師官也史太史也世世次先後也工誦其德史書其言

宗祝書昭穆宗

宗

伯祝太祝也宗掌其禮祝掌其位

猶恐其踰也今將先明而後祖

以僖為明

而升之是先禘而後祖

自玄王以及主癸莫若湯

玄王契也主癸湯父也

自

稷以及王季莫若文武

稷棄也王季文王父

商周之烝也未嘗躋

湯與文武為踰也

不使相踰

魯未若商周而改其常無乃不

可乎弗聽遂躋之展禽曰夏父弗忌必有殃夫宗有司

之言順矣又未有明焉

未有明德

犯順不祥以逆訓民亦不

祥易神之班亦不祥不明而躋之亦不祥犯鬼道二

神之班躋不明也

犯人道二

犯順以逆訓民也

能無殃乎侍者曰若有

殃焉在抑刑戮也其天札也

不終曰天疫死曰札唐曰云未名曰天失之矣

未可知也若血氣強固將壽寵得沒

壽寵老壽而保寵也沒終也

雖

壽而沒不為無殃

必以殃終

既其葬也焚煙徹于上

已葬而火焚其

棺槨也徹達也

莒大子僕殺紀公

紀公生僕及季它既立僕又愛季它而黜僕僕故殺紀公也

以其

寶來奔

寶玉也來奔奔魯也或有魯字非也此魯語不當言魯

宣公使僕人以書

命季文子

宣公文公之子宣公倭也命告也僕人官名文子魯正卿季孫行父

曰夫莒大

子不憚以吾故殺其君而以寶來其愛我甚矣

憚難也為

我予之邑今日必授無逆命矣

授予也

里革遇之而更其

書

里革魯太史克也遇僕人見公書以大子殺父大逆故更之

曰夫莒天子殺其君

而竊其寶來不識窮固又求自適

固廢也適近也

為我流之於

夷

夷東夷也今日必適無逆命矣

今日必適疾之之言

明日有司復命

有司司寇復反也文子得書使司寇出之竟明日反命於公也

公詰之

詰問僕人以違命意僕人

以里革對

對以里革所更也

公執之

執里革也

曰違君命者女亦聞

之乎對曰臣以死奮筆奚啻其聞之也

言所以觸死奮筆而更公命者

不欲傷君德耳矣何也
何嘗言所聞非一也

臣聞之曰毀則者為賊則法掩也

賊者為臧

掩匿也

竊寶者為宄

亂在內為宄謂以子盜父

用宄之財者

為姦

財寶也

使君為臧姦者不可不去也臣違君命者亦

不可不殺也公曰寡人實貪非子之罪也乃舍之

宣公夏濫於泗淵

濫清也清罟於泗水之淵以取魚也泗在魯城北又曰南門

里革

斷其罟而棄之

罟網也

曰古者大寒降土蟄發

降下也寒氣初下謂

季冬建丑之月大寒之後也土蟄發謂孟春建寅之月蟄始震也月令孟春蟄蟲始震魚上冰獺祭魚水

虞於是乎講眾罟取名魚登川禽而嘗之寢廟行諸國

人助宣氣也

水虞漁師也掌川澤之禁令講習也眾魚網也留筍也名魚大魚也川禽鼈蜃之屬

諸之也是時陽氣起魚陟負冰故令國人取之所以助宣氣也月令季冬始漁乃嘗魚先薦寢廟唐云孟春誤

矣 鳥獸孕水蟲成

孕懷子也此謂春時

獸虞於是乎禁置羅罝魚

鼈以為夏槁

獸虞掌鳥獸之禁令置兔罟羅鳥罟也禁不得施也 猶獾也槁乾也夏不得取故

於此時撥刺魚鼈以為槁儲

助生阜也

阜長也鳥獸方孕故取魚鼈助生物也

鳥獸成

水蟲孕水虞於是乎禁置麗設罝鄂

置當為罝麗小網也罝陷也鄂柞

格所以誤獸也謂立夏鳥獸已成水蟲懷孕之時禁魚鼈之網設取獸之物也

以實廟庖畜功

用也

以獸實宗廟庖厨也而長魚鼈畜四時功足國財用也

且夫山不槎槩

槎斫也

林生曰禁澤不伐天草木未成曰天魚禁鯤魚鯤魚子也鱖鱖魚子也獸長麕

麕鹿子曰麕鳥翼翼成也穀卵穀未孚曰卵蟲舍蟲舍蚘蚘蛭蛭

可以為醢蛭復陶蕃庶物也古之訓也蕃息也今魚方別

孕不教魚長又行網罟貪無藝也別別於雄而懷子也藝極也公聞

之曰吾過而里革匡我不亦善乎是良罟也為我得法

良善也使有司藏之使吾無忘言見此罟則不忘里革之言也諗告也師

存侍師樂師存名也曰藏罟不如寘里革於側之不忘也寘置也

子叔聲伯如晉謝季文子子叔聲伯魯大夫宣公弟叔於之子公孫嬰齊也謝季文

子者魯叔孫僑如欲去季氏譖季文子於晉晉人執之
卻犇之妻聲伯之外妹也故魯成公使聲伯如晉謝之
且請之事在魯成十六年卻犇欲與之邑弗受也
卻犇晉卿苦成叔也以妻故親聲伯

故欲為請邑以予之歸鮑國謂之曰子何辭苦成叔之邑欲信讓

邪抑知其不可乎

鮑國鮑叔牙之玄孫鮑文子也去齊適魯為施孝叔臣

對曰吾

聞之不厚其棟不能任重

厚大也任勝也

重莫如國棟莫如德

言國至重非德不任國棟

夫苦成叔家欲任兩國而無大德

任負荷也兩國

也晉魯其不存也亡無日矣譬之如疾余恐易焉

疾疫也苦

成氏有三亡少德而多寵位下而欲上政

位為下御而欲專國政

無大功而欲大祿皆怨府也

怨之所聚故曰府

其君驕而多私

其君謂厲公也多私多嬖臣也

勝敵而歸必立新家

勝敵敗楚也大夫稱家立新家謂立

所幸胥童之屬為大夫

立新家不因民不能去舊

不因民之所惡不能去舊卿也

因民非多怨民無所始

言卻氏多怨民所始伐也

為怨三府可謂多

矣

三謂少德而多寵位下而欲上政無大功而欲大祿也

其身之不能定焉能予

人邑鮑國曰我信不若子若鮑氏有釁吾不圖矣

釁兆也言

鮑氏若有禍兆吾不能豫圖之

今子圖遠以讓邑必常立矣

晉人殺厲公

晉人晉欒書中行偃也

邊人以告

邊人疆場之司

成公在朝

成公魯宣公之子成公黑肱也公曰臣殺其君誰之過也大夫莫對里

革曰君之過也夫君人者其威大矣君天也故其威大矣失威而

至於殺其過多矣過不積不至於殺且夫君也者將牧民而正

其邪者也若君縱私回而棄民事回邪也民旁有慝無由

省之慝惡也省察也益邪多矣若以邪臨民陷而不振陷墜也振救也

用善不肯專則不能使至於珍滅而莫之恤也將安用

之安用君也桀奔南巢南巢揚州地巢伯之國也今廬江居巢縣是也紂踣于京踣

也京殷京師也厲汜于琨厲周厲王所殺戲戲山在幽滅于戲幽幽王為西戎

西周皆是術也

術道也皆失威多過之道

夫君也者民之川澤也行而

從之美惡皆君之由民何能為焉

川澤者以君喻川澤民喻魚也從之者魚

從川之美惡以為肥瘠

季文子相宣成無衣帛之妾無食粟之馬仲孫它諫

仲孫

它魯孟獻子之子服它也

曰子為魯上卿相二君矣妾不衣帛馬

不食粟人其以子為愛且不華國乎

愛吝也華榮華也

文子曰

吾亦願之

願華侈也

然吾觀國人其父兄之食麤而衣惡者

猶多矣吾是以不敢人之父兄食麤衣惡而我美妾與

馬無乃非相人者乎且吾聞以德榮為國華

以德榮顯者可以為

國光華

不聞以妾與馬文子以告孟獻子

獻子它之父仲孫蔑也

獻

子囚之七日

因拘也

自是子服之妾衣不過七升之布

服子


即它也八

十縷為升馬餼不過稂莠

餼秣也稂童稂也莠草似稷而無實

文子聞之

曰過而能改者民之上也使為上大夫



國語卷四